



1. Sittlich-joh. / yndigt von der
Historia Lazari, Rheinl. Geistl.
1193.
2. Schenck / jar / yndigt von greiz-
jude, 1191.
3. Die feinst Artikel, Dünf - vltfi
yon der / Spis / sat / bib / so / von
für / st / vord / an / 7^o, Wittenberg
1122.
4. Züngly / Huld / vmas / furing
an die / sp / so / von, 1122.
5. ~~...~~ / von / v / d / y / g / l / y /
er / sw / is / h / von / d / o / z / v / a / n / b / e / i /
/ ab / man / j / o / n / a / l / t / s / a / b / i /
/ 1122.



14.
Das Ihesus Na-
zarenus der ware
Messias sey.

Ein Sendbrieff/

Rabbi Samuelis

von Israel.

Derhalben die Jüden auff
keinen andern war-
ten dürffen.

Wittemberg. 1536.

*verkauft durch
Wencesl. Linck*

Das Buch ist ein

Handbuch der

Arithmetik

von

Christophorus Clavius

aus

Urbino

1608

Druck

in

By 9. 10. 11.



Vorrede an den Leser.

Wenceslaus Linck / dem
Christlichen Leser Gottes geist etc.
Dis Büchlein Doctoris Samuelis/
vielleicht für funffhundert Jaren geschrieben/
vnd aus Arabischer sprachen / durch einen
Dispanier / mit namen Alphontius / ins Latein
gebracht / als man gezalt hat / nach Christi ge-
burt. 1239. jar / Nim itzund im Deutschen
an / lies es mit vleis / denn es wird dir on zwe-
uel vielfeltig nütze sein.

Das ersten siehestu
darinnen das erschreckliche
beispiel der Jüden / die bey sol-
chem hellem liecht / der klaren
schriff jres gesetzes vnd Pro-
pheten / blind / kalt / vnd ver-
stockt / bleiben / Daraus man
vermercken mag / was die verachtung vnd ver-
seumunge der schriff schaden bringe. Darbey
hastu zum andern / die waffen / damit du be-
kriegen magst / die Jüden / vnd dem gehorsam
des glaubens Christi vnterbrechen / Denn on
zweuel / so wir nicht mit lestern / vermaledeien /
vnd andern vngeschickten geberden / sondern
A ij mit

mit gegründten Schrifften gegen den Jüden/
vnd andern Vnglaubigen würden handeln/
möchten wir sie Christo vnserm Herrn wol ge-
horsam vnd vnderthenig machen/ Denn er
vns ihe nicht andere / denn geistliche waffen
dazu befohlen hat / wie S. Paulus 2. Corin. 10.
vnd Ephe. 6. vñ an andern orten leret. Dieweil
wir aber nur mit gewalt vnd yngestümigkeit/
mit verachtung der Göttlichen schrift faren/
vnd wider die Vnglaubigen oder irrigen / ver-
meinen zu handeln / so ist kein wunder / ob ein
blinder mit dem andern inn die gruben felt. Vnd
wiewol etwa dieser Rabbi Sannel / die
Schrift fleischlichen handelt / vnd nicht gantz
im geiste (als / da er vom opffer vnd gesange etc.
der Christen redet) der Christenheit / so im geiste
steht / Communionem zulegt / vnd der glei-
chen / Doch brauchet er sie dahin / das er der
Jüden irthumb anzeigt / Wo man aber einen
zum erkentnis seines irthumbs bringen mag/
hat man in die helffte gewonnen. Zum dritten/
magstu auch hieraus nemen eine befestigung
des Christlichen glaubens / wie der selbige
durchs gesetzte / vnd durch die heiligen Prophe-
ten bezeuget sey / Dierumb auch Christus vnd
die Aposteln / ire lere ziehen aus dem zeugnis
des Alten gesetztes etc. Liese es mit rechtem
Christlichem vrteil / zu deiner vnd anderer besse-
rung / Amen.

Lin

Ein Sendbrief Rab

bi Samuelis / von Israel / der
bürtig was aus der Stad des Königs Mora-
chiam / zum Rabbi Isaac / meistern der
Synagogen so inn der Stad Sub-
inlineta bemelts Reichs ist.



Gott beware vnd er-
halte dich (mein lieber bruder)
bis das diese vnser gefengnis
ein ende neme / vnd diese vnser
zerstrawung wider versamlet
werde / vnd zu nahe vnser hoff-
nung / vnd Gott verzeichne seinen wolgefallen
vber vnser leben / Amen.

Ich weis / vnd habs durch erfahrung /
das zu vnsern zeiten inn dir ist eine vollcomene
wissenheit / Vnd du bist ein trost vnserer vnter-
weisungen inn verborgenen Fragen des Ges-
setz vnd Propheten / durch deine löbliche aus-
legungen / Derhalben beger ich teilhafftig zu
werden deiner lere / vnd eröffne dir die aus-
schweiffe meines hertzens / so ich habe im Ge-
setz vnd Propheten / darinnen ich mit forcht be-
kümmeret bin / darumb ich auch zu deiner vber-
messigen kunst vnd weisheit zuflucht habe /
Vnd sende dir hie mit dis Büchlin / inn hoff-
nung / durch dich / ob Gott wol / inn der war-
heit

2 iij heit

heit befestiget / vnd inn meinen Fragen berich-
tet zu werden.

**Warumb die Jüden inn Got-
tes zorn odder vngnaden sein.**

Das Erst Capitel.

Ich begere durch dich (mein lieber herr)
berichtet zu werden / aus des gesetzes / der
Propheeten / vnd anderer schrifftten gezeug-
nis / Warumb wir Jüden von Gott geplaget
sein / mit dieser gefengnus / darinnen wir sein /
welche eigentlich wol ein ewiger zorn Gottes
mag genand werden / denn sie hat kein ende /
Es sind nu mehr denn tausent jar erschienen /
das wir durch Titum gefangen sein worden.

Wir wissen das vnserer Väter haben die
Abgötter angebetet / die Propheeten getödtet /
vnd Gottes gesetzte verachtet / Doch hat sie
Gott von aller solcher vbertrettung wegen / nur
Siebentzig jar / mit der Babilonischen ge-
fengnus gestraffet / Vnd nach solcher zeit / ist
er inen widerumb versünet worden / vnd hat sie
widder inn jr Land gebracht. Vnd wie die
Schrift anzeigt / so ist der zorn Gottes dazu-
mal hefftiger gewesen / denn alle die vorigen
zörne / so die schrift fur der selben zeit meldet /
Dat dennoch (wie gesagt) die straffe solcher
sunden / nur siebentzig jar gewehret. Nu aber
(lieber herr) hat der zorn Gottes / inn welchem
er vns

er vns itzund strafft / kein ende / wird auch des
selben kein ende verheischen inn den Propheten.

Wo wir sprechen wollen / das der zorn /
darinnen wir itzund sein / sey noch der zorn / von
welches wegen das gefengnus der Siebentzig
jar was / darumb / das dazumal / durch diesel-
bigen vnserer Väter / nicht volkömlich sey gnug
geschehen / für die obgemelten sunden / So ma-
chen wir Gott zum lügener / Das sey weit von
vns / Denn er / als ein warhafftiger ehrlicher
Vater / hat bemelter gefengnis selber durch die
Propheten ein ziel gesteckt / nemlich / die Sieben-
zig jar. Dierumb were dieses keine antwort /
sondern nur eine ausflucht odder entschuldi-
gung / die man für verstendigen leuten nicht
möchte für wenden.

Wo wir auch wolten sagen / Gott hette
sich inn solcher Babilonischen gefengnus /
nur vber ein teil vnseres geschlechts erbarmet /
vnd nicht vber den andern teil / vnd welcher er
sich erbarmet hat / die habe er widerumb gen
Jerusalem gebracht / den Tempel widder zu-
bawen / wie der Prophet Jeremias sagt / vnd
das wir von denen sind / der er sich erbarmet
hat / So werden die Christen zu vns sprechen /
das / dieweil er sich vber die hat erbarmet / so die
Abgötter angebetet hatten / vnd die Prophe-
ten getödtet / viel mehr / wird er sich vber vns er-
barmen / die wir nicht also gesündiget haben /
Itzt / dieweil der Vater (so gesündiget hatten)
straffe /

straffe / von Gott ein ziel gesteckt was / warum
solt denn vnser straffe (die wir nicht gesündigt
haben) one ziel sein? Nu ist aber die straffe / dar
vnter wir sein / lang vnd one ziel / Es sein schon
Tausent jar verschieen / Wir können auch im
gesetz vnd Propheten kein ziel noch ende dieser
straffe finden. Derhalben (mein lieber herr) die
weil Gott vnser Väter vmb die Abgötterey vnd
tödtung der Propheten gestraffet hat / ist auch
beides / die schuld vnd straff / inn der schrift
kund. Die weil auch Gott ein sünde nicht
strafft / vnd ihene sünde gestrafft hat / nemlich
mit dem gefengnis der Siebentzig jar / Die
weil auch Gott nicht gemeiniglich ein gantz
volck / denn nur vmb gemeiner sünde w
dar. Sie alle schuldig sein / strafft /
folgen / das wir alle für Gott gesund
haben / nach der selbigen gefengnis / Auch gr
sere sünde gethan / denn die sünde vnserer Vorel
tern / inn Abgötterey vnd todschlagung der Pro
pheten gewesen ist / Sintemal das sie Gott n
Siebentzig jar lang / vnd nicht lenger gestraf
hat / vns aber lenger denn Tausent jar strafft /
vnd die vier t zerstrawet hat.
Doch es gehe wie es wolle / so sein wir Gottes
allenthalben / Denn wir haben keine entschul
digung auff angezeigte rede. Gib antwort.

Das

Das ander Capitel / bewert das
die Jüden inn solcher zerstrawung itzund sein/
von wegen einer grossen sunden / darinnen
sie ligen / Vnd wird wider ire hal-
tung des gesetzes disputirt.

V / wolan / mein lieber herr / Ich setze /
das wir jrgend inn einer aller grösten
sunde sein / Bit ich / du wöllest mich be-
richten. Diessell vns Gott von Jerusalem zer-
strawet hat / vnd inn diese langwerige / ja ewi-
ge gefengnus bracht / vmb der selbigen sund
willen / darinne wir nach vnserm selbs verne-
men / vnd eignen willen / one sonderliche Gottes
gebot wandeln / Warumb wir inn solcher gef-
fengnus / auch nicht haben angefangen zu
halten die beschneidung / Sabather / vnd ande-
re gebreuche / so wir nach dem gesetz Mosi hal-
ten / Denn wir erkennen / das von der zeit an /
da Titus die heilige stat zerbrach / vnd den Tem-
pel verbrante / vnd vnser bücher mit vns inn
diese gefengnus zerstreute / Als denn hat vn-
ter vns auffgehört die Priesterthumb zu wan-
deln / die opffer vnd Handopffer / Vnd Gott
hat hernachmals das nie bey keinem Prophe-
ten / auch keine gewisse Prophecy / oder offen-
barung verheissen / das wir etwan wider ko-
men solten in Jerusalem / zu dem vorigen stand /
Dat vns auch nie geboten hernachmals zu
halten / bemelte Ceremonien vnd breuche / Da-
raus als mich bedrückt / erfolget / das wir die-
selbigen

Was one
grund der
Schrift wird
fürgenommen
ist zorn Got-
tes.

selbigen breuche nicht von Gott / sondern von
denen / die inn Gottes vngnade gewest sein / an-
genommen haben / vnd halten. Bedüncket mich
weiter / das vnser Widersacher billich zu vns
mügen sprechen / Dieweil jr haltet die beschnei-
dung vnd den Sabbath / leset auch die bücher
Mosi / vñ die Propheten in ewren Synagogē /
on Gottes befehl / warumb nempt jr euch
nicht auch der massen das opffers an / vnd ma-
chet euch einen Priester / König / Fürsten vnd
die heilig salbung / vnd das reichwerck / Vnd
warumb bauet jr euch nicht Altarn / vnd hal-
tet die Ceremonien / vnd all andere ding / so im
gesetz verfasst sein / als den Sabbath / Bes-
schneidung / vnd viel anderer ding / die jr haltet
nach ewren tradition / aus eigenem willen one
Gottes befehl / Vnd also lauffet jr von beiden
teilen / Entweder so jr obgemelte ding haltet
wider Gottes willen / oder so jr sprecht / es sey
Gottes wille / vnd wolgefallen / das jrs haltet /
welchs jr doch nicht bewisen mögt. Wa-
rumb haltet jr nicht andere obgerurte ding /
welcher jr viel halten möchtet / Vnd obs euch
die Könige vnd Landsfürsten / vnter welchen jr
ligt / nicht gestatten wurden / So sein doch
sonst viel andere ding / die sie euch thun liessen /
gleich so wol / als sie euch die beschneidung /
Bücher / Synagogen / vnd andere ewere breu-
che zulassen / Vnd hierumb / lieber herr / ha-
ben wir meines bedünckens / auff solche Argu-
ment kein gnugsam antwort dazu legen. Doch
sein wir Gottes / es gehe wie es gehe.

Das keine haltung oder breu
des gesetzes der Jüden Gott/angenem
seien/von wegen der sunden/dar
innen sie ligen.

Das drit Capitel.

Wein lieber herre / wir finden / das Gott
redt durch den mund des Propheten
Zacharie vnd spricht am siebenden Ca
pitel / von der kurtzen gefengnis / Also sagt der
Herr Gott zu den Priestern / vnd zum volcke
des landes / Da jr fastetet vnd weinetet / am
sechsten vnd siebenden / die gantze zeit der sieben
zig jar lang / habt jr vermerckt / das jr zu mir
hat geweinet / oder gefastet. Ich hab solch fa
sten von euch nicht erfordert / sagt der Herr ꝛc.
Mein lieber herr / inn obgezeigten worten wird
ausgedruckt / das / die weil wir Jüden die sie
bentzig jar inn der gefengnis waren / waren
wir one gesetz / denn wir hetten kein fasten / die
wir auch aus dem gesetz nicht haben / sampt
andere breuche / Dergleichen waren wir one
beschneidung / vnd one Sabbath / Den alle die
ding gelten one zweinel nichts / die weil Gottes
zorn bleibet vber sein volck / Jener erster zorn
Gottes war kurtz / vnd werete nur Siebentzig
jar / Dieser aber / darinnen wir itzt sein / hat nu
tausent jar / vnd lenger geweret / Man findet
sein auch kein ende inn den Propheten / Vnd
lieber herr / ich furchte das zugleich / wie Gott
B ij vnsere

Dieser sprach
der schrift /
vnd andere
mehr werde
nach dem A
rabischen
text (als die
latinsche
translatio
sagt) gesetzet
vnansehē
ob etwa vns
ser transla
tio anders
lautet. Was
aus eignem
auffsatz ge
schicht / das
thut der mes
sch im selber
vnd nicht
Gott / als
wenn wir
igund das
gesetz Moß
wolten vber

vnserer Väter inn jene kurtze gefengnis hat ge-
than one gesetz vnd Ceremonien / auch nicht jr
fasten / vnd andere haltung des gesetzts angeno-
men hat / bis das die zeit ihrer straffe / nemlich /
die Siebentzig jar erfüllet waren / Also nimpt er
inn dieser letzten gefengnis nicht an die werck /
so wir nach des gesetzts breuchen thun .

Nicht die
werck / son-
dern der ge-
horsam ist
angenehm.

Darumb ist's gewis / das wir inn grösser
rer sünde jezund sein / denn vnserer Väter inn Ba-
bilonien waren / hernachmals sein wir auch
inn grösserem zorn Gottes / denn sie gewesen
sein / Derhalben auch vnserer werck weniger an-
genem / vnd wir im mehr heulich sein / Vnd
ligt am tage / das sie von wegen der Abgöttery
vnd tödtung der Propheten / nur Siebentzig
jar sein gefangen gewesen / wir aber sein gefan-
gen / von wegen einer schweren vnd aller gröss-
festen sünden nu lenger denn Tausent jar / Vnd
mein lieber herr / on zweifel / dieses ist die gefeng-
nis / welche Gott durch den mund des Prophe-
ten Danielis / eine verwüstung nennet / Als er
am Neunden Cap. spricht / Es wird die verwüs-
tung bestehen bis zum gar aus / vnd ende der
welt etc. Die erste gefengnis / ward genand ein
hinwegführung / denn vber eine kleine zeit / wur-
den sie mit ehren widerumb gen Jerusalem ge-
füret / Aber diese wird eine ewige verwüstung
genand / inn welcher gewislich Gott sich vnser
nicht erbarmen wird / als er sich vnserer Väter
inn Babilonien erbarmete / vber das / das er sie
tröstete

Translatio
grano.

tröstete durch die Propheten / die in erlöfung
zusagten / vnd waren alle beieinander / Vns
aber wird nichts verheissen / vnd hat vns dazu
durch alle Reich der welt zerstrawet. Doch sein
wir Gottes allenthalben / es gehe vns wie es
gehe.

**Das vierde Capitel zeigt an /
wie die Jüden blind sein.**

Lieber herr / es wundert mich seer von
vns / das wir teglich hoffen der erlö-
fung / von dieser vnserer gefengnis / re-
den auch allzeit / von vnser widerfart gen Je-
rusalem / Darumb sein wir blind oder betrieger
der einfeltigen / Denn es ist gewislich war / das
nach vnserer zerstrawung / so durch Titum ge-
schehen ist / kein Prophet vnter vns nie erschie-
nen ist / der vns verhiesse die widerfart / Es ist
auch / nach der siebentzig jar gefengnis / kein
Prophet gewesen der gered hette / von dieser ge-
fengnis so kein ende hat / vnd zum ende der
welt / hat auch kein erlöfung / denn nur durchs
ende der welt. Denn Daniel am neunnden Capi-
tel nennets ein verwüstung on ende. Derhalben
fürcht ich / mein lieber herr / die weil ein solche
gefengnis nicht kan vber vnser gantzes volck
bestehen von Gotte / es sey denn vmb ein aller
grössste sünde wider Gott / die auch grösser sey /
denn die Abgötterey vnd tödtung der Prophe-
ten / von welcher sünde wegē / vnser Väter sein
gestraffet worden / das gleich wie sich Gott vn-

Omnes pro-
phete et lex
vsq; ad Jo-
hannem.

B iij ser

ser nicht erbarmet in diesem leben / dieweil
wir in der selbigen sund verharren / Also erbar
met er sich auch der nicht / so aus vns verstor
ben sein. Doch sein wir Gottes allenthalben /
wie es vns ergeheth.

Wie die Tüden sich selber /
vnd andere mit inen verführen.

Das fünfft Capitel.

Lieber herr / Mich bedüncket / das wir
vns selber vnd andere mit vns verführen /
Denn wir haben im Buche des Gesetzes
vnd der Propheten / wie Gott vnserm volck viel
feltiglich zusagt / erlösung vnd versamlung aus
der zerstreung / So wir aber recht anschaw
en alle verheissungen / die wir gehabt haben / so
sein sie eintweder erfüllet vor / vnd in der sibenzig
jar gefengnis / oder sein gar verhindert wor
den / von der sunden wegen / den solche zusas
gung geschehen waren / Als ich denn fur dir /
lieber herr / anzeigen wil Exempels weise.

Diese wenig wort schreibt Ezechiel am 10.
Capit. Wo jr meine gerechtigkeit werdet thun /
vnd meine gepot haltē / So wil ich euch samlen
aus den völkern / vnd wil ich euch samlen aus den
Lendern / dahin jr zerstreuet seid / vnd wil ich
das land Israel geben / Item ich wil euch von
den vier örten der welt versamlen / euch auffhes
ben / vnd vber Meer wider herführen / vnd euch
wider bringen in ewer heiliges haus. Mercke /
dam

Das vns Gott durch den Propheten Ezechiel/
an diesem vnd andern orten seines Buchs ver=
heisset / ist lang fur der siebentzig jar gefengnis
erfullet worden / Gleich als denn all anderz ver=
heissunge Gottes / Klein vnd gros / so inn vielen
orten die heilige schrift anzeiget / erfullet sein /
ehe denn wir inn diese letzte gefengnis / die kein
ende hat / gefallen sein / Wir sein itzund darin=
nen vber tausent jar / vnd finden inn keinem Pro
pheten jr ende. Es wird auch kein Zusagunge
Gottes / so auff erlösung vnd versamlung lau=
tet / von dieser ewigen gefengnis verstanden /
Sondern nur von den trübsalen vnd zerstreu=
ungen vor den siebentzig jaren / die grosse sünde
begangen haben / von der wegen vns Gott one
ziel straffet / inn welcher sünde wir alle sein vnd
bleiben / Denn sonst het vns Gott seine barm=
hertzigkeit nicht verhalten inn so langem zorne.
Wir sehen inn der schrift / das alle sünde vnse=
rer Väter fur den siebentzig jaren bemelter ge=
fengnis / sein gestraffet worden / wie ich vnter
vielen Exempeln allein diese wenige anzeige. Es
sündigten vnser Väter fur den siebentzig jaren /
die aus Egypten zogen / wie Num. am 14. stehet
geschriebē / vnd derhalben hatten sie keinen teil
an der verheissung / so inen gethan was / son=
dern storben inn iren sünden / inn der wüsteney.
Es sundigte Moses selber bey dem hadder=
wasser / Num. am 20. vnd warde darumb nicht
ins gelobte Land gelassen / Es sundigte der Aas
ron / vnd trug die straffe. Der Priester Meli
sundigte

sündigte / vnd brach rücklingen den hals vnd
starb / dazu war sein geschlecht / des Priester-
thums beraubt / wiewol im Gott ein ewig prie-
sterthum versprochen hette 1. Reg. 4. Aber sol-
che zusagung werden alwege verstanden / wo
sie es nicht verwürcken durch ire missethat / als
inn Davids Reich angezeigt ist 1. Reg. 2. denn
sein leibes erben / des selbigen entsatzt sein / Der
gleichen verhies der warhafftige ehrliche Gott
Abrahe vnd seinem samem / das Land ewiglich
zubesitzen / Dennoch verloren sie es offtmals
von irer sünde wegen / vnd Gott gabs in offt wi-
der / Vnd zu diesem letzten mal / da wirs verlo-
ren haben / nu lenger denn fur tausent jaren /
ist auch kein hoffnung das wider zuerlangen /
dieweil wir alle sampt verharren inn der sünde /
fur der wegen wir vnser Land verloren haben.

Vnd lieber herr / es ist gros wunder / die-
weil wir alle einhellig bekennen / es sey ein beson-
dere grosse sünde / damit wir / nach der Sieben-
zig jar gefengnus inn Babilonen / wider Gott
gesündigt haben / vnd doch keiner weis zusa-
gen / was die sünde sey / von welcher wegen wir
inn solch gros vbel komen sein. Ob auch gleich
jmand vnter vns / solche sünde / vnd vnser
schuld / dadurch wir inn so gros vbel komen
sein / erkennet / so eröffnets doch keiner seinem
nehesten / Er selber auch / der es erkennet / wen-
det es nicht zu seiner besserung / Sondern wir
ligen alle darnider geschlagen / vnd erkennen
öffentlich /

öffentlich / das inn voriger gefengnus der Siebentzig
jar Gott mit vnsern Vetern war inn den Propheten /
als Jeremia vnd andern Propheten / vnd gab inen
Salathiel zum Hertzen / vnd Fürsten / vnd Pries
ter / mit den sie aus Babilonien zogen / als sie gebüß
set / vnd Gott versünet hetten / baueten widderumb
Jerusalem vnd den Tempel / vnd andere Stedte /
Gott gos auch vber sie aus seine barmhertzigkeit vber
flüssig inn dieser gefengnus / Aber itzt ist kein Pro
phet / auch Gott selber / als mich düncket / nicht bey
vns / Derhalben / lieber herr / wil ich sagen / vñ nicht
ablassen zufragen / Welchs doch die grosse sünde sey /
von der wegen wir inn dieser gefengnus / nu lenger
denn tausent jar sein / vnd dazu keinen Propheten /
König / Priester / altar / opffer / salbunge / reichwerck
noch reinigung nicht haben / Dazu sein wir heßlich
vnd verechtlich worden der gantzen welt / vnd Gott
der gleichen / Alleine inn vnserm hertzen regniret die
hoffart / dadurch wir vns fürziehen der gantzen welt /
Was ich dauon halte / wil ich dir eroffnen / lieber
herr. Denn nichts deste weniger sein wir Gottes / es
gehe wie es gehe.

Welchs die sünde sey / von wel
cher wegen die Jüden inn dieser ge
fengnus sein.

Das Sechst Capitel.

Darumb nu / lieber herr / fürcht ich / das die
sünde / darumb wir inn dieser verwüstung vnd
gefengnus ligen / sey eben die sünde / dauon
Gott durch den Propheten Amos am andern Capitel gered
C tel gered

tel gered hat / da er spricht / Vber drey laster Juda
vnd Israel / wil ich sie wider heim bringen / vnd vber
dem vierden / wil ich sie nicht widerumb heim füren /
denn warumb / sie haben den gerechten vmb silber od
der geld verkaufft.

Vnd / lieber herr / Wir / nach vnserer deutung
sagen / das dieser vnschuldige sey gewesen Joseph
der Son Jacobs / den seine brüder inn Egypten ver-
kaufften. Ich möchts auch also halten / wo nicht die
heilige schrift / diese sünde der verkauffung / am vier-
den ort der laster Israel zelete. Dazu auch die Chri-
sten (welchen meines bedünckens / Gott verstand der
der heiligen schrift verliehen hat) vnser deutung ver-
antworten vnd sprechen / das das erste vnter den vier
lastern Israelis / sey die verkauffung des Josephs von
seinen brüder Gen. 37. Das ander laster sey die an-
betung des kalbs zu Dreß Exod. 32. Das dritte laster
sey die ermordung der Propheten / darumb wir Sie-
bentzig jar inn Egypten gefangen waren / Vnd
sprechen / das Vierde laster Israel sey gewesen die ver-
kauffung des vnschuldigen fromen Ihesu / welcher
nach der Historien verkaufft ist worden / nach der
Siebentzig jar gefengnis.

So wir auch bemelte vnser deutung erhalten /
vnd den Christen antworten wöllen / müssen wir an-
zeigen / das fur der verkauffung Josephs / drey laster
in Israel begangē sein / auff das also die verkauffung
Josephs / das vierde sey / Solchs können wir aber
nicht erhalten / denn es ist wider vns das gezeugnis
des buchs Genesis / inn welchem die verkauffung Jo-
seph fur das erste laster der kinder Israel gezelet wird.
Vnd der Prophet Amos setzt eigentlich das vierde
laster

laster die verkauffung des vnschuldigen / von des we-
gen wir inn dieser gefengnus sein / von welcher Gott
rebet vnd drewet / er wolle vns hinfort nicht wider-
föhren ins gelobte Land / da er spricht / Ober dem vier-
den wil ich sie nicht widerümb heimföhren / darümb
das sie den vnschuldigen vmb gelt verkaufft haben.
Vnd mich dünckt klar / das wir vmb der vierden sun-
be willen / der verkauffung des vnschuldigen / billich
gestraffet sein / nu lenger denn tausent jar / vnd inn
solcher zeit nemen wir nichts zu / vnter den Weiden /
haben auch keinen trost oder hoffnung zu zunemen.

Das der vnschuldige / gerechte
Ihesus / der Christen Gott / vnbillich
verkaufft sey.

Das Siebend Capitel.

Ich erschrecke / lieber herr / vnd besorge / das
der Ihesus den die Christen anbeten / sey der vn-
schuldige / so vmb gelt verkaufft ist / nach der
Prophecey Amos / Besorge weiter / das von ime ge-
schrieben sein die gezeugnus der Propheten so mir zu-
fallen / Es reimten auch die Christen inn irer lere gar
klar die selbigen gezeugnus auff in. Der Prophet E-
saias spricht am ersten Capitel / O we / des sundigen
volcks / des volcks von grosser missehat / des boshaf-
tigen samens / der verderbten kinder / die den Herrn
verlassen / den heiligen inn Israel lestern / weichen zu-
rück. Item der selbige Prophet spricht am 53. Capitel
Er ist dahin geföhret als ein schaff zur schlacht-
banck / Er hat auch seinen mund nicht auff gethan /
Vnd spricht weiter / es ist ein man der schmerzē hat /
E ij vnd

vnd Franckheit weis / Item / er war verachtet / vnd
darumb haben wir nichts von im gehalten / Er ist
geopffert worden / denn er wolts also haben / Item /
Er ist von der angst des Gerichtes gefreiet / Wer
wird sein geschlecht erzeien können? Item / Haben
in durchstoehen von wegen der sünden meines
volcks / vnd er wird seine beleidiger geben für das
begrebnus / vnd die reichen für seinen tod. Ich
besorge / lieber herr / das unsere Peter sein gewesen
die selbigen beleidiger / vnd Pilatus / Herodes / An-
nas / vnd Cayphas / die reichen / Wie denn der Pro-
phet David spricht Psalm. 2. Es haben sich empöret
alle Könige der erden / vnd die Obersten / wider Gott
vnd seinen gesalbten Christum. Die Könige sein / wie
obgemelt. Die obersten oder eltern sein unsere Peter /
Vnd lieber herr / ich besorge das derselbige Ihesus
sey der verwechselte vnd verkauffte vmb gelt / von dem
der Prophet Zacharias redet / vnd Amos vnd andere
Propheten / von welchem auch der Prophet Esaias
redet am 53. Capitel / Er wird alle sünde abnemen /
vnd für die Vngleubigen bitten. Ich besorge / lieber
herr / das dieser Ihesus sey der gerechte / davon Da-
uid im 93. Psal. sagt / Sie haben ein wollust gehabt /
wider die seele des gerechten / vnd haben das vnschul-
dige blut verdampft / vnd darumb hat sie Gott verliagt
vnd wird sie Gott vnser Herr zerstrawen.

Ich besorge auch / lieber herr / das dieser sey der
gerechte / davon Hieremias am neunnden Capitel re-
det / da er spricht / Es ist ein mensch / vnd wer ist der
in verstehet? Vnd weiter spricht er Thre. 4. die zierde
vnser antlitzs Christus vnser Gott / ist gefangē von
vnserer

vnserer sünde wegen / zu dem wir sprechen / Inn de
nem schaten werden wir leben / vnter den Heiden.
Ich besorge auch / lieber herr / das dieser sey der ge
rechte / von welchem Got / durch den mund / des
Propheten Zacharie am 13. gesprochen hat / Auf den
tag wird man sprechen / Was sein das fur wunden in
deinen henden. Vnd er wird antworten / Ich bin ver
wund worden im mittel meines hauses / vnter den /
die mich lieb hattē / Vnd mein hirte hat das schwerd
vber mich aufferhaben. Dergleichen spricht er auch
am 12. Capit. An dem tage werden sie mich ansehen /
vñ den / so sie durchstoehen haben / Vnd werden vber
in klagen / gleich wie man beklaget oder beweinet ei
nen eingebornen.

Ich besorge auch / lieber herr / das dieser sey ge
west der gerecht / von dem Abacuk am dritten spricht
In seinen henden sein hörner / alda ist die stercke ver
borgen etc. Dierzu stimmet der Christen Euangelion
Johan. 19. inn welchem da beschrieben wird der tod
Ihesu / sprechen sie / Als sie aber zu Ihesu kamen /
funden sie in verschieden / vnd einer aus inen rechte
dar / seine lantzen vñ durchstach in etc. Ich furchte /
lieber herr / das dieser sey der gerechte / von welchem
Abacuk am 3. spricht / herre du bist ausgegangen zu
seligen dein volck mit deinem gesalbten Christo.

**Wie nach dem tod Christi / der
Juden zerstreung geschehen sey /
als Daniel redet**

Das acht Capitel.

E iij Ich

Ich erschrecke / lieber herr / vber diesen dingen /
wer gewesen sey dieser gerechte one sünde / von
welchem der Prophet Esaias redet / Vnd wer
der gerechte sey / der vmb gelde verkauffet ist / von des
wegen der Herr spricht / durch den Propheten Amos
wie oben bemelt / das er zum gezeugnis des vierden
lasters / sie hinfort nicht widerführen wil ins gelobte
Land. Mich bedunckt auch / lieber herr / das erfül
let sey die schrift Danielis am 9. Capit. da er spricht /
Wenn die zwey vnd siebentzig wochen volendet sein /
so wird Christus getödet werden / vnd alsdenn wird
komen ein volck mit dem zukünfftigen Fürsten / vnd
wird zerbrechen die Stad / vnd das haus zermalmen /
vnd sie werden sie verdammen / vnd es wird hinweg
genommen das opffer / vnd volendet werden die ewige
zerbrechung. Vnd lieber herr / Es ist kein zweiffel / die
zerbrechung der ewigen verwüstungen / sey diese ge
fengnis / darinnen wir itzund lenger denn tausent jar
sein / Vnd Gott sagt öffentlich durch den Propheten /
das nach der tödtung Christi / ein ewige verwüstung
ist / nach dē das Jesus getödet ist. Es hat vns auch
Gott nicht gedrewet ein ewige verwüstunge / denn
nur nach dem tode Christi / Vnd so wir wöllen sagen
das wir vor dem tode Ihesu / inn einer verwüstung
gewest sein / So antworten vns die Christen darauff /
das für des selbigen Jesu tode / sey keine verwüstung
gewest / denn nur siebentzig jar / darnach worden wir
widerumb ins gelobte Land gefüret / vnd waren bey
Gott inn ehren vnd gnaden.

Für war / lieber herr / Ich sehe kein ansflucht
gegen dieser Propheey / denn man probiret vns klar /
das da der Tempel wider erbawet was / vnd darnach
erfüllet /

erfüllet / zwey vnd siebentzig wechen vnd ein jar drü-
ber / das sein / vierhundert drey vnd dreissig jar / da-
ward Ihesus von vnsern Vetern getödtet / Vnd dar-
nach kam der Hertzog Titus / vnd das Römische
Volck / vñ theten vns nach dieser Prophecey / Es sein
auff heutigen tag tausent Jar vnd drüber / Vnd den-
noch / wiewol wir inn Gottes zorn sein / nichts deste
weniger hoffen wir inn in. Vnd wo wir nicht sprech-
en werden / Christus sey noch zukünfftig / vnd sey
noch nicht komen / vnd das wir widerumb besitzen
werden das gelobte Land / vnd widder bawen die
Stad / vnd Gottes hulde haben / vnd ehre inn vn-
serm Land / vnd das diese verwüstung nicht ewig sein
werde / So werden vns die Christen antworten / das
denmach / würbe nach zukünfftig sein die tödtung
Christi / die zukünfft Titus mit dem Römischen Vol-
cke / vnd dazu eine ergere verwüstung denn diese ist /
darinnen wir vber Tausent jar sein. Ach lieber herr /
es ist kein gereimete bequeme entschuldigung oder aus-
flucht. Doch es gehe vns wie es gehe / so sein wir
Gottes inn allem fall / wo wir inn in hoffen.

Das zweierley zukünfft
Christi sey.

Das Neund Capitel.

Ich besorge / lieber herr / das Christus itzund
schon komen sey / vnd sein Erste zukünfft erfül-
let habe / Denn wir finden inn vnserer schrift
zweierley zukünfft Christi. Die erste zukünfft Christi
wird inn Propheten beschrieben / inn armut vnd de-
mut. Die andere inn glori vnd Märestet / Vnd von bei-
derley

derley zukunfft/wil ich vorbringen was mir einfellet.
Von der ersten zukunfft spricht Gott durch den mund
Zacharie am. 9. Capitel / Du tochter Sion frewe
dich seer/vnd du tochter Jerusalem/jauchtze/Sihe/
dein König kömpt zu dir/ein gerechter vnd ein helf=
fer/arm/vnd reitet auff einem esel/vnd auff ein jun=
gen füllen der eselin etc. Vnd inn der selben zukunfft/
beschreibt in Esaias / verachtet / Daniel getödtet/
Zacharias vnd Amos verkauffet. Vnd dennoch wa=
ren schon die ding erfüllet/die ich inn diesem Büch=
lein beschrieben habe/vnd beschreiben werde / Wir
haben in fur nichts gehalten / das ist / wir haben in
nicht erkant/als Esaias spricht / sondern wir haben
in verachtet/vnd in vbermocht.

Aber inn seiner Andern zukunfft / wird seine glo=
ri vnd Maiestet offenbar werden / wenn feuer vnd
flammen fur im hergehen wird/vnd seine feind zu=
rings rumb anzünden vnd verbrennen/wie Gott sagt
durch den mund des Propheten David vnd Esaias /
Vnd ich fürcht / lieber herr / das Christus nicht an=
ders richten werde / denn mit dem feuer zum tode /
Denn wir haben alle Propheten getödtet / die vns
von im haben verkündigt/wie denn Gott wider vns
bezeuget / durch den mund des Propheten Helie / im
vierden buch der Könige / Vnd also haben wir den
vnschuldigen gerechten getödtet / von welches wegen
wir inn Gottes zorne sein one ende. Doch sein wir
Gottes etc.

Von der Ersten zukunfft Christi.

Das Zehend Capitel.

Ich

Die fürcht / lieber herr / Gott beschreibet offent-
lich zweierley zukunfft Christi / durch den mund
des Propheten Esa. am 52. Cap. da er spricht /
Mache dich auff / Mache dich auff Zion / zeuch dei-
ne stercke an / schmück dich herrlich / du heilige Stad
Jerusalem 2c. inn dem / das er zweimal spricht / Ma-
che dich auff / Mache dich auff / von wegen seiner
zweierley zu kunfft / Vnd inn sonderheit beschreibet er
klar / die erste zukunfft Christi / so viel das leiden vnd
demut betrifft im. 50. vnd. 53. durchaus / Vnd nem-
lich / da er spricht / Wir haben in gesehen / vnd er hat
keine zierde noch ansehen / noch feine gestalt etc.

Seine erste zukunfft setzt Esaias am. 9. Cap. da
er spricht / Vns ist ein kind geporn / ein son ist vns ge-
geben / Vnd bald hernach setzt er seine andere zu-
kunfft / da er spricht / Er wird genant werden / der
aller sterckiste / rise / mechtig / Er wird sitzen auff dem
Stuel David / den selben zub: stettigen von anbegin
bis inn ewigkeit. Zacharias aber / beschreibet in arm /
vnd auff einem Esel sitzend am. 9. Cap. Vnd was ist
dis anders / denn das der Prophet die ersten zukunfft
beschreibe inn der demut / vnd die andern inn der ge-
walt vnd Maiestat / wie in denn auch beschreibet Da-
niel im 7. Cap. da er spricht / Ich sahe in einem nacht
gesicht / vnd nempt war / Es kam einer inn des his-
mels wolcken / wie es menschen Son / bis zu dem Al-
ten / vnd ward fur den selbigen gebracht / Der gab
im gewalt / ehre vnd Reich / das im alle land vnd leu-
te dienen solten / Seine gewalt ist ewig / die nicht ver-
gehet / vnd sein Königreich hat kein ende . Vnd nu
ists gewis / lieber herr / das Christus inn der andern
D zukunfft /

zukunfft / wird sitzen fur dem Alten / welcher Gott
ist / zurichten / gleichsam als er in seiner ersten zukunfft
was fur vnsern Vetern den Juden gerichtet zu wer-
den . Vnd diese zwe zukunfft Messie oder Christi /
bemeldet der Prophet David im 95. Psalm / da er
spricht / denn warumb er ist komen / den er kompt zu
richten die welt / Von wegen der ersten zukunfft / so
inn einfeltigkeit geschehen ist / spricht er / Denn er ist
komē / Von der andern wegen / so mit gewalt wird ge-
schehen / spricht er / Denn er ist komen zu richten die
welt.

Von seiner andern zukunfft redt Zacharias am
14. Cap. da er spricht / Seine fusse werden stehen / zu
der zeit auff dem Olberge etc. Vnd wir / lieber herr / sa-
gen nicht / das Gott inn seinem wesen vnd natur fusse
vnd fleisch habe / oder ander leipliche geferte / Son-
dern fusse haben / bekompt der leiplichen Creaturn /
so spricht auch der Prophet David / wie oben ange-
zeigt / er redet von der andern seiner zukunfft / Es wird
das feur vor seinem angesicht entbrennen / vnd wird
gerings vmbher anzunden / Aber lieber herr / wir spre-
chen nicht / das Gott nach der Gottheit / an einer stad
vmbgeschrieben sey / also das etwas gerings vmb in her-
moge sein / Sondern / solche spruch der schrift / ha-
ben stad vnd warheit / nach irem laut / an dem gerech-
ten / den die Propheten beschreiben / itzund so sie re-
den von seiner demüt / schier von seiner maiestet / Vnd
dauon redet Malachias am 3. Capit. da er spricht /
Nempr war / der Herr kompt / vnd wer wird bestes-
hen können fur seiner zukunfft ? Denn er ist gleich wie
ein feur das da schmelzet / vnd er wird sitzen vnd
schmelzen / vnd das silber fegen / Schaw wie dieser
gerechte

gerechte / welcher gerichtet worden ist / inn seiner andern zukunfft komen wird. Vnd mercke / lieber herr / wie in der Prophet daselbest am 3. Capit. beschreibet / da er spricht / Als denn werd ich komen vnd gerichte vber sie halten / vnd werde ein warhafftiger zeuge sein vber die ehebrecher / zeuberer / meineidige / vnd vber die / die betrieglich handeln inn belonung des tagwerckes / vnd die so die Witwen vnd waisen berauben / vnd / die den pilgram vnd armen vnterdrucken / Das selbige / lieber herr / beschreibet auch der Prophet Ezechiel / als er am 34. Cap. (da er von hirtten vnd schafften redet) spricht / Ich wil sie voneinander sondern / vernim / die vnglaubigen vbertreter / von den fromen gerechten. O schaw lieber herr / wie er inn der andern zukunfft / die vnglaubigen von den fromen scheiden wird / Wie denn auch Malachias vnd Ezechiel klar sagen / Vnd inn der ersten zukunfft / hat in vnser keiner erkand / denn er vbergieng das ziel menschlicher natur / wie Gott durch den mund des Propheten Esaiam am 53. Cap. spricht / Vnd er ist vnter die schelcke gezelet oder gerechnet worden / Derhalben wir in fur nichts geachtet haben / Vnd Hieremias spricht am 18. Ca. Er ist ein mensch / vnd wer kennet in ? Vnd lieber herr / ich besorge / das vnser Veter inn der ersten zukunfft Messie / gefeilet vnd geirret haben / Vnd darumb sein wir inn dieser gefengnis / die kein ende hat. Jedoch wie es vns gehet so sein wir Gottes / vnd hoffen inn in.

**Von der andern zukunfft Christi /
das er als denn mit gewalt richten wird.**

D ij Das

Das Eilffte Capitel.

Wein lieber herr / ich fürchte / das vielleicht
dieser sey der gerechten Richter / der inn der
andern zukunfft mit gewalt richten wird / der
auch in seiner ersten zukunfft / ein seligmacher gewesen
ist / aller / die inn in geglaubt haben. Dennes sagt
von im der Prophet David / Der Herr hat sein heil
kund gemacht / vnd im angesicht aller Heiden sein
gerechtigkeit geoffenbaret / Weiter spricht Esaias an
dem. 12. Capitel / Ir werdet mit freuden wasser schöpf
fen von dem brunnen oder Teichen des Seligma
chers / Welche wort ich nach meinem verstand / von
der Tauffe verneme / Denn inn der ersten zukunfft /
hat er durchs Wasser geseliget / In der andern / wird
er durchs feuer richten. Vnd von dem seligmacher
wird gesagt / mein lieber herr / Job am. 19. Cap. Ich
weis das mein seligmacher lebet / vnd das ich am
jungsten tage von der erden wider aufferstehen wer
de / vnd meine augen inn meinem fleische werden se
hen meinen Gott. Mercke / lieber herr / das er diesen
seligmacher / Gott / nennet / Dennes ist gewis / das
die leiblichen augen Gott nicht sehen werden. Si
he / also haben wir / das dieser gerechter seligmacher /
nach der schrift / Gott ist / von dem wir itzund reden /
der auch inn der warheit alleine mag gerecht heissen /
Denn er hat keine sunde gethan / nach dem von im
Gott bezeuget / durch den mund des Propheten Esa
ie am. 53. Welcher keine sunde gethan hat / ist auch
kein betrug inn seinem munde funden. Es wird
weder von Mose noch von keinem andern Propheten
nicht gesagt / das er sey ein seligmacher / gerecht / vnd
one sun

one funde / Denn es haben Moses vnd alle Prophe-
ten gesündigt / Wie jr / lieber herr wisset / Derhalben
wird jr keiner inn der schrift recht genand / sondern
dieser Namen wird alleine diesem vorbehalten / Vnd
werden on zweinel nur die selig / so seine erste zukunfft
glauben / Welche aber nicht glauben / die haben keine
ursachen / das sie möchten selig werden inn seiner an-
dern zukunfft / sondern sie sein des todes würdig / Den
es waren die auch des todes würdig / so Mose nicht
glaubten / vnd im nicht gehorsam waren / welcher
doch ein sunder was / Wie viel mehr sein die des feu-
ers würdig / die nicht glauben vnd verlestern diesen ge-
rechten vnd Herrn / der nie kein sunderkant hat.
Doch es gehe wie es gebe / So sein wir Gottes.

Von der Himelfart Christi.

Das Zwölffte Capitel.

Wein lieber herr / wir finden inn der schrift /
das Christus von der erden erhaben wird
werden inn himel / Vnd ich besorge / das
solchs erfüllet sey inn Dem / der von vnsern Vetern ge-
tödtet ist worden / Vnd von der selbigen erhöhung
spricht David im 23. Psalm. O jr Magnaten / thut
auff die pforten ewres Priesterthumbs / vnd werdet
auffgehoben jr ewigen pforten / Vnd es wird hinein
gehen ein König der ehren / Vnd mercke lieber herr /
das im die Engel antworten / Wer ist dieser König
der ehren / Vnd er antwort inen / Es ist der Herr /
starck vnd mechtig / Der Herr mechtig im streit / Es
ist aber gewis / lieber herr / das dieser gerechte Herr
der kreffte / keinen streit gehabt hat / Denn inn seiner
D iij ersten

ersten zukunfft/ Denn wenn er die gerichte wird sit-
zen/ so wird das feuer zurings vmb in her brennen/
vnd seine feinde zurings vmbher anzünden/ vnd wird
die fromen durchs feuer schmelzen/ wie das silber/
Vnd das in seiner letzten zukunfft/ Da wird niemand
wider in streitten/ wird auch kein Stad sein zu kemp-
fen.

Es red weiter von der erhöhung dieses gerech-
ten der Prophet Esaias am. 63. Cap. da er spricht/
Wer ist der/ so von Edom kömpt/ von der erden/ mit
gefärbten kleidern von Bazra / der so geschmückt ist
inn seinen kleidern / vnd einher tritt inn seiner grossen
krafft/ Vnd dieser gerechte antwort in / Ich bins /
der gerechtigkeit leret / vnd ein Fürst bin zu helffen/
Vnd die Engel sprechen zu im / O Herr/ Warum
ist denn dein gewand so rot farb/ vnd dem kleid/ wie
eines Feltes tretters? So antwortet er vnd spricht zu
in/ Ich trette die Felte alleine/ vnd ist niemand vnter
den völkern mit mir. Schau lieber herr/ wie gar ei-
gentlich red Esaias/ Vnd ich besorge/ das die ant-
wort dieses gerechten nur Vns treffe/ da er spricht/
Ich habe sie gekeltert inn meinem zorn / vnd zu-
treten inn meinem grim/ bis das jr blut meine kleider
besprützt hat/ vnd ich hab alle mein gewand besud-
delt/ Denn ich hab einen tag der rache mir furgeno-
men/ Vnd es kömpt das jar meiner widergeltung.
Wie viel mügen wir nu/ mein lieber herr / auff diesen
gerechten hoffen/ dieweil wir wissen/ das er den En-
geln im himel vber vns geklaget hat / vnd inen ange-
zeigt / wie er alleine die Feltern getreten habe/ Vnd
was hat er anders in seinem zorn getreten denn Vns/
die wir nach dem streitte / den er inn seiner ersten zu-
kunfft

Kunfft gehabt hat / von im getreten vnd nidergeschla-
gen sein / nu lenger denn tausent jar / Vnd ist dennoch
noch vorhanden der tag der rachtung inn seiner letzten
zukunfft / vnd das jar der widergeltung inn seinem
hertzen. Ach Gott / lieber herr / da wir Esaiam tödte-
ten / das wir bemelten sprüch auch seiner Prophecey
vertilget hetten / das er von niemands gelesen würde.
Vnd zwar was David einē streit nennet / da er spricht
Es ist der Herr starck vnd mechtig im streit etc. das
nennet Esaias ein Keltern / Ach leider / lieber herr / wir
haben den most getruncken / Danon redt auch Jas-
cob der Patriarch vnd Prophet / wie im Buch der
Schöpffung am 49. Capit. stehet / vom Juda / Er
hat sein ehrenkleid im blut der Weintrauben gewa-
schen / wie denn an vns geschehen ist / inn der ersten
zukunfft Messie. Was werden wir aber thun inn sei-
ner letzten zukunfft / wenn die menschen werden ste-
hen fur dem menschen der sie wird richten / vnd wird
zerings umbher ein feuer bereid sein / zu verzeren alle /
wider welche er vrteil fellen wird. Den da wird nicht
sein zeit zustreiten / man wird auch als denn nicht inn
der Keltern treten / Denn dazumal wird nicht sein zeit
nach stad der bussen oder zuflucht / sondern nur des
richten / Vnd zugleich / wie er gerichtet ward / so
doch keine sünde inn im erfunden ist / also wird er die
sunder richten / Denn es spricht Gott inn der Prophe-
cey Salomonis im buch der Sprüche am 11. So der
gerecht auff erden leiden mus / Wo wird der Gottlo-
se sunder bleiben. Hierumb / dieweil kaum der ges-
rechte selig wird / wie wirds mit den Gottlosen erge-
hen.

Das

Das Dreizehend Capitel bewert
noch krefftiger/ die Himelfart Christi.

Ich fürchte seer/ lieber herr/ das die gezeugnus
der Propheten/ so von diesem gerechtem sein ge-
sagt/ als nemlich/ das er vmb gelt verkaufft sey/
wie Amos spricht/ Die Kelttern getreten habe/ wie E-
saias sagt/ Das er mit vnsern Vetern gestritten habe/
wie David redet/ Inn vnsern sunden gefangen/ Als
Hieremias schreibt/ Inn seinen henden verwundet/
als Zacharias spricht/ Das vber seine kleider gelösst
sey/ wie David vnd andere Propheten sagen/ Das
die ding nicht mögen Gotte zugelegt werden nach sei-
nem wesen vnd Göttlicher natur/ nach der er nicht
auffstehet/ nicht erhöhet wird/ nicht sitzt/ nicht ni-
der steigt/ Hierumb volget von notwegen/ aus ob an-
gezeigten sprüchen, das der selbige gerechte schon ko-
men sey/ welchs leiplicher natur/ die erzeleten stück/
vnd ander der gleich mügen zugelegt werden.

Wo es dich aber/ lieber herr/ schwer duncket zu
glauben/ das ein leiplicher mensch auff gen himel fa-
re/ höre die sprüch vnd Exempel/ so mir einfallen aus
vnsern schrifften/ Vnd danon redt David von im
im 67. Psalm/ Es ist Gott inn die höhe auffge-
stigen/ vnd wird die gefangenen seligen/ hat auch den
menschen gaben gegeben/ Er spricht auch weiter
von seiner himelfart/ Jubiliret Gotte/ vnd preiset sei-
nen namen/ machet den weg/ dem/ der von den örten
bes niderganges aufferet/ sein namen ist Herre/
Weiter/ lieber herr/ spricht David von im im. 67.
Psalm/ Jubiliret Gott/ der vber den himel des hi-
mels

mels auffsteiget gegen dem morgen/ Vnd von dem
hat gered Amos am. 9. Capit. Es ist der Herr/ der sei-
nen Stuel inn die höhe gebawet hat. Vnd weiter
red von im David im. 46 Psalm/ Gott ist im Jubel
auffgefahren/ vnd der Herr in schalle der Posaunen.
Von im hat auch gesagt der Prophet Aser am dritten
Cap. Ich hab gesehen einen menschen auffsteigen
mitten vom Meere/ vnd er kam bis inn den himel/ Es
spricht auch Moses inn seinem gesange/ Deut. 32.
Ich wil meine hand inn den himel auffheben/ Auch
spricht Esaias am. 51. Stehe auff/ stehe auff/ du arm
des Herrn/ Von dem red Hanna die mutter Samu-
elis im ersten buch der Könige am andern Cap. Es
wird der Herr das Reich seinem König geben/ vnd
wird seinen gesalbten Christum erhöhen. Es hat
auch David gesprochen/ Der Herr ist auffgestigen
vber die federn der winde. Nñ diese sprüche fallen nur
ein / zu bewerern die leibliche erhöhung Christi/ bis
inn den himel/ Vnd sein jr viel mehr / welche du / lie-
ber herr wol weist.

Nu wil ich auch etliche Exempel fürbringen
aus vnserm gesetz/ denn es bedünckt vns auch fast/
vnbequem zugleuben / das er leiblich sey gen himel ge-
fahren/ vnd das kömpt aus vnserer vnbesonnenheit/
Denn wir finden im gesetz vnd inn Propheten/ das
der ware ehrliche Gott / viel heilige menner vnser V-
ter von der erden hingenomen vnd erhaben hat/ Vnd
so wir an den selbigen nicht zweiueln / von wegen irer
heiligkeit vnd der schrift gezeugnus / Warumb wöl-
len wir denn zweiueln an der himelfart dieses gerech-
ten mit leib vnd seel / so doch in die schrift mehr ge-
zeugnus der heiligkeit gibt/ denn den andern/ Da-
rumb

umb das er einen Hertern streit / wie die Prophetē sa-
gen / erduldet hat / vnd mit gefengnus der welt / den-
jgending ein anderer / Vnd dazu weistu / lieber herr / on-
darlegung der Exempel / das der frome Matusalem /
vnd Enoch / vnd der Prophet Elias / sein von Gott
aus dieser welt mit iren leiben auffgenommen / Es ist
auch an Mose kein zweiffel / Er sey mit leib vnd seel
im himel / als man liest Deutero. 34. Gott sprach zu
Mose / gehe hin auff den Berg bey nacht / vnd stirb
alda / vnd er gieng auff den Berg vnd starb alda / vnd
es hat nie kein mensch sein grab erfahren / bis auff den
heutigen tag. Vnd was bedents / das sein grab vnwis-
send ist auff erden / so er doch ein grösserer vnd heiliger
Prophet gewesen ist denn die andern / denn das in
Gott widerumb erweckt hat / vnd mit leib vnd seel
auffgenomē / Wie er den die andern gerechten hat auf-
genomē vnd erhaben an dē ort da sie sein / Wir dörffen
auch kein wunder darob nemen / das die subtile leichte
lufft tragē mag / so grosse schwere cörper / Denn wir
wissen / wie das wasser / so doch in der dünne dē lufft
gleichet / die leib der kinder Israel inn irem ausgange /
von Egypten trug / da es der allmechtigen gewalt ge-
fellig was / Vnd wenn ein opffer Gott angenehm war
so kam das sewer vom himel herab / vnd hub auff vñ
trug der viech vnd ochssen cörper / so Gott geopffert
waren. Es haben auch Moses vnd Elias vnd an-
dere Propheten gepropheceiet von der erhebung die-
ses gerechtē / Dieweil wir nu müssen glauben die leip-
liche erhebung obgemelter heiligen / Warumb sol-
ten wir auch nicht glauben die himelfart vnd erhe-
bung dieses gerechten / von welchem so viel gezeug-
nus der Propheten inn der schrift sein / wie oben an-
gezeigt

gezeigt ist? Man möchte auch sagen/das Gott ob
berümpfte heiligen hat auffgenommen/daran niemand
zweifelt/auff das dadurch die hertzen der mensche/
bereitet wurden zuglaube die auffart seines gerechten.

Es ist aber noch ein andere sache/darumb die vn
sern zweiffelen/Denn sein erste zukunfft ist verborgen
vnd inn vngewonlicher weise gewesen/Als Esaias spr
cht am 7. Cap. Er ist ein mensch/vnd wer wird in er
kennen? Es spricht auch derselbige Prophet/Es
wird ein Junckfraw schwanger werden/vnd gebe
ren einen Son/Da merck/er schweiget vom leibli
chen Vater/Darumb das er anderswo spricht/Wir
haben in nicht geachtet/Vnd Hieremias am 31. Ca
pitel spricht/Es hat Gott ein new zeichen auff erden
erschaffen/Ein weib wird einen man vmbgeben etc.
Es spricht auch Micheas inn funfften Capit. Dar
umb wird in Gott geben bis zur zeit/in welcher
die geberende wird gebere. Vnd ist zu mercken/das
der Prophet kein meldung thut/von dem manne die
ser geberenden/da er anzeigt die geburt dieses gerech
ten/welcher alleine ist geboren aufferhalb gewonli
cher weise/vnd fleischlichen lauffs/so von Man vnd
weib geschicht/wie den von im geweissagt ist/durch
den mund des Propheten Esai am 7. Capit. da er
spricht. Wolan/so höret jr vom Hause David etc.
Got wird euch ein zeichen geben/Sihe/Eine junck
fraw wird schwanger etc. Aber alle andere heiligen
wie sie heissen/sein von Man vnd weib geboren/vnd
fleischlich inn sunden empfangen/sein auch alle
sunder gewesen/auch Moses selber/der doch heili
ger was denn die vorigen Propheten/hat gesundi
get/vnd bekennets frey mit seinem mund/das er

Es ij gesun

gesundiget habe / Von diesem gerechten wird aber ge-
sagt durch Esaiam am. 53. Capitel / der nie gesundiget
hat / ist auch nie kein betrug inn seinem munde befunden
worden. Von allen andern heiligen spricht Gott
durch den mund Job am. 4. Cap. vnter allen seinen
heiligen ist keiner one schuldigkeit der sünde funden /
vnd der Prophet Jeremias spricht am. 17. Cap. Der
menschen hertze sein schnöde vnd böse.

Von der Jüden blindheit / das sie
nicht glauben noch verstehen / das Chri-
Christus komen sey.

Das xiiij. Capitel.

GED besorge / lieber herr / das inn vns erfüllet
sey / das Gott durch den Propheten Esaiam ge-
red hat / Es ist die blindheit gefallen vber Isra-
el / bis das die völle der Heiden hienein ist gangen /
Vnd weiter spricht er am. 6. Cap. Sie werden hörens
be hören / vnd nicht vernemen / vnd sehende sehen /
vnd werdens nicht erkennen / denn die hertzen dieses
volcks sein verstocket. Aber spricht er im selben Ca-
pitel / Verstocke das hertz dieses volcks / vnd las ire
ohren dick sein / auff das sie nicht lernen / vnd sich zu
mir bekeren vnd genesen / Vnd Esaias sprach / O
Herr / Wie lange / Vnd er antwortet / Bis das die
Stete verwüestet werden / vnd das haus bleibe one ein
woner / Es hat auch Daniel am. 12. Cap. gesprochen.
Verschleus die rede vnd verwickel die Prophecey / Vñ
Jeremias am. 17. Die sünde der Juden ist beschrieben
mit eisern griffeln vnd mit spitzigen Demanten ge-
schrieben / vnd auff die taffel jres hertzen gegraben etc.

ben etc. Vnd Esaie Cap. 1. Ein ochse kennet seinen
herrn/ Aber Israel kennets nicht/ vnd mein volck ver
nimpts nicht/ Vnd abermals sagt er / Die schwalb
vnd der storch wissen die zeit irer zukunfft / aber mein
volck hat mich nicht erkant / Vnd all diese ding / lie
ber herr / sein gesagt von vnser wegen / darumb das
wir nicht erkant haben die zukunfft dieses gerechten
Herrn. Vnd von vns hat Gott gesprochen durch
Esaian am. 43. Cap. Thut ferne hinaus das blind
volck das nicht augen hat / vnd das taube so nicht
ohren hat / nempt war / sie sein alle versamlet / Vnd
was wolte der Prophet mit diesen Worten sagen / den
das vns Gott verstoffen hat? darumb das wir nicht
bald erkant haben die zeit dieses gerechten / Vnd hat
an vnser Stad die Heiden zu sich im glauben versam
let / Des sich David verwundert / da er spricht im. 76.
Psalm. Dis ist eine verenderung der gerechten des ho
hen / Doch sein wir Gottes / inn diesem vnsern fall
vnd gefengnis / darinnen wir ligen nu tausent jar /
welche kein ende hat / Vnd es ist vnsern Vatern nie so
vbel gegangen / da sie die Abgötter anbeten / die Pro
pheten tödten / vnd Gottes gesetz von gantzem irem
hertzen vbertraten.

**Die der Jüden blindheit vnd
unglaube / gegen Christo / sey durch die
Propheten geweissaget.**

Das xv. Capitel.

Ich fürchte / lieber herr / das / darumb das wir
nicht an diesen gerechten haben geglaubet / sey
vns begegnet vnd erfüllet / das Gott durch den
R iij mund

mund des Propheten Esaiam am 29. Cap. gesprochen
hat / Es wird die Prophecey sein gleich wie wort ei-
nes verschlossenen buchs / welchs / so mans dem Les-
ser wird furlegen / wird er sprechen / das Buch ist ge-
schlossen / ich weis nicht was darinnen stehet / vnd so
mans wird geben einem / der nicht lesen kan / der wird
sprechen / ich bin kein Leser etc. Vnd lieber herr / wel-
che ist die grössst beschliessung des buchs / denn eben
die / damit Gott vnser hertzen verschlossen hat / nu
lenger denn tausent jar / Wir können auch nicht erken-
nen aus der Prophecey / so vns durch die Propheten
gegeben ist von der zukunfft dieses gerechten / Da-
rumb hat Gott an einem andern orte gesprochen
durch den Propheten Esaiam / am 64. Cap. Es wird
Jerusalem zu einem stein hauffen werden / vnd der
berg des Tempels zu einer wilden höhe werden. Er
hat auch gesprochen am ersten Cap. Unser land ist
verwüestet / vnser Stedte sein mit feuer verbrennet /
vnd Jerusalem wird bleiben / gleich wie ein hütte inn
einem verwüesteten Weingarten / Das ist nu / lieber
herr / lenger den tausent jar / Es hat auch gesprochen
Esaias am 25. Cap. O Herr Gott / ich wil erhöhen
deinen namen / denn du hast die Stad gemacht zu ei-
nem getümmel / vnd das haus zu einem verwirten /
das ewiglich nimer gebawet werde / Vnd am 30. Ca.
hat er gesprochen / Er wird die völker zertrütschen
als ein töpfern gefess / davon nicht vberbleibt ein
stück / darinnen man einen korn feuers mocht tra-
gen / oder einen tropffen wassers schepffen.

Es ist auch erfüllet / lieber herr / das Daniel am
9. Cap. gesprochen hat / Wenn Christus wird getödt-
et sein / so wird ein ewige verwüstung bleiben / inn
welcher

welcher verwüstung wir sein itzund lenger denn tau-
sent jar / Es hat auch gesprochen Esaias am. 24. Es
ist inn der Stad verwüstung gelassen / vnd die thor
stehen wüste etc. Es hat auch Jeremias gesagt am. 6.
Cap. nennet sie vntüchtig selber / denn der Herr hat
sie verworffen / Es hat auch gesagt Esa. am. 50. Ca.
Wandert im liechte ewers fewers / vnd inn den flama-
men die jr euch selber angezündet hat / Inn welchen
flammen wir sein nu lenger denn tausent jar / Vnd es
hat auch gesprochen Amos / am funfften Capitel /
Es wird das haus Israel fallen / vnd niemand
ist der es widderumb auffrichtet. Vnd mich
bedüncket / lieber herr / das Gott den fall vber vns
bracht hat / nach der zukunfft dieses gerechten /
nach dem kein Prophet vnter vns ist auffstanden /
wird auch keiner vnter vns entstehen / wie vns geweis-
sagt ist / Denn wir bleiben inn vnserm vnglauben
vnd nemen nicht sein glauben an / sondern verlang-
nen in / Es hat auch Oseas gesprochen am ersten Ca.
da das weib an der erden sas vnd gebar / sprach Gott
nenne seinen namen one barmhertzigkeit / denn ich
will mich nicht erbarmen dieses volcks / Vnd so vns
Gott verworffen hat / vnd sich vber vns nicht erbar-
met / Wie wir denn itzt erfahren haben lenger denn tau-
sent jar / was ist vns nütze das wir das Gesetz / be-
schneidung / vnd Sabbater haben? Es hat gespro-
chen Esa. am. 43. Ca. Füre das blinde volck hinans 2c
wie vns denn vnser warhafftiger ehrlicher Gott / nu
lenger den tausent jar / aus vnsern landen gefüret hat /
Es hat auch der selbige Prophet gesprochen am. 26.
Cap. Der alt irsal ist vergangen / Vnd was ist alt des
vnser gesetz? welchs von vns gewichen ist / mit den
Königen.

Königen / opffere / reichwercke vnd Altaren / Vnd
was möcht vns ergers begegnen. Vnd was ist's / dar-
auff wir harren? Sehen wir doch / wie er vns durch
die vier örte der welt zerstrawet hat / inn zerteilungen
wie Moses / Jeremias / Esaias / vnd die andern Pro-
pheten vns geweissagt haben. Doch sein wir Gottes /
vnd fliehen zu jm inn allem das vns begegnet.

Das xvj. Capitel / zeigt an der Jüden
verwerffung / von ires Unglaubens wegen /
vnd der Heiden erwelung / von ires
Glaubens wegen.

Ich fürchte / lieber herr / wenn wir vnternander
sprechen / du vnd ich sein auch Kinder Jacob vñ
Israel / das itzund erfüllet sey der spruch / so
Gott durch den mund Esaiæ Cap. 65. gered hat / O
Israel / Gott wird dich tödten / vnd wird ruffen seine
Knechte mit einem frembden namen / Ich besorge /
das wir von den knechten sein / welchen der selbige
name auffgelegt sol werden / nach dem als Moses ges-
agt hat Dentro. am. 28. Es werden die Heiden forne
zum heupt werden / vnd das vngleubige volck zum
schwantz / als wir denn nu lenger denn tausent jar
sein / Von den hat auch gesagt Esaias Cap. 11. Es
wird die erdē erfüllet werdē mit dem glauben Gottes /
vñ wird vberhand nemen als die wasser des Meeres /
Dauon hat gered Salomon. 3. Reg. 8. Herr Gott /
wenn ein frembding inn dein heiliges haus kömpt /
vnd deinen gebenedeieten namen anruffet / Erhöre
jn / mein Herr Gott / auff das die gantz Erde lerne
deinen namen fürchten / wie das volck Israel.

Dierumb

Hierumb lieber herr/ Warumb rühmen wir
vns/ vnd warumb verachten wir die Heiden/ die
weil sie Salomon der Prophet teilhafftig mit vns ge-
macht hat/ inn der furcht Gottes / vnd im heiligen
hause/ Vnd velleicht hat Gott vns vnwürdigen von
dem hause ausgestossen/ vnd es inen gegeben. Vnd
von in hat auch Moses gesagt/ Also spricht der Herr
Gott/ Es wird die gantz erde mit der ehre des Her-
ren erfüllet werden. Vnd von inen hat David gesagt
im 21. Psalm/ Alle ende der erden/ vnd viel geschlecht
werden furkomen vnd bekeret werden zum Herrn.
Es hat auch von in gered Esaias am 60. O du heili-
ges Haus David dein liecht ist komen / vnd die herr-
lichkeit des Herrn ist vber dir auffgegangen etc. Vnd
es werden die Heiden inn deinem liechte wandeln/
vnd die völker im glantz der vber dir auffgehet/ heb
auff deine augen gerings vmbher vnd sihe / diese al-
le sein versamlet vnd komen zu dir / vnd die frembden
kinder werden deine mauren bauen / vnd ire Fürsten
werdē dir dienen/ Nū welchs sein die frembden kinder
lieber herr/ so zum hause Gottes komen sind / denn die
Heiden/ so den Abgöttern dienetē / vnd frembde wa-
ren von Gott / sie vnd ire Fürsten vnd Könige / von
welchen Gott gesagt hat / das sie wandeln im liechte
des heiligen hauses / vnd wir werden inn der finsternis
sein / aufferhalb desselbigen / wie wir denn itzund
sein lenger denn tausent jar.

Es hat noch mer von inen gesagt der selbige Pro-
phet am 65. cap. Nim war / du wirst fordern ein volck/
das du nicht gekand hast / vnd die Heiden / so dich
nicht erkand haben / werden zu dir komen / Vnd wie
wir furhanden sehen / Es sein auff heutigen tag taus
sent jar

S

sent jar

sent jar vnd darüber / das Christus (nach dem gesetz
so vns geben) gesand / ist komen / vnd die Heiden / so
das gesetz nicht erkand haben / sein zu im komen / vnd
er hat in ein new / heilig / vnd rein gesetz geben. Wei-
ter am 45. Cap. Ire Könige sein einig worden vnd ver-
samlet im glauben Gottes. Vnd ich besorge / lieber
herr / das inn demselbigen Capitel von inen geschrie-
ben sey / Versamlet euch jr Heiden / vnd kompt / die jr
aus den Heiden durch Gott geseliget seid / Vnd von
volcke redt Esaias am 65. Cap. Sie haben mich gesu-
chet vnd nicht gefraget / vnd es haben mich funden
die mich nicht sucheten. Vnd von inen sagt auch Nie-
remias am 3. Ca. Sie werden alle im namen des Her-
ren versamlet werden im heiligen hause / vnd nicht
wandeln inn der schändigkeit irer hertzen. Von inen
hat auch derselbige Prophet gesagt am 16. Capit. Es
werden alle Heiden zu dir komen / von den eussersten
enden der welt / vnd werden sprechen / vnser Väter ha-
ben nichts geerbet denn sünde vnd schalckheit. Vnd
von inen spricht Zophonias am 2. Capit. Es ist den
Heiden verlibē das sie zugleich im namen des Herrn
reden / vnd im mit einer schulter dieneten / ein jeder
mensch von seinem orte vnd alle Insulen der Heiden.
Vnd von in hat geredt Zacharias am 2. Cap. Frolo-
cke du haus Sion / denn ich wil zu dir komen / vñ inn
deinem mittel wonen auff den tag / vnd die Heiden
werden heuffig zu Gott nahen. Derselbige Prophet
sagt am 8. Cap. Also spricht der Herr Zebaoth / Es
werden viel heiden komen von vielen orten / vnd wird
ein man zu seinem nachbarn sprechen / las vns ge-
hen vnd den Herrn suchen im guten. Vnd diese ding
lieber herr / sein nu geschehen / vnd geschehen teglich
vor all-

vor vnsern augen / Du siehest wie die vöcker lesen die
bücher des gesetzs vnd alle Propheten / vnd den Psal
ter / vnd verlassen ire Abgötter / keiner aus inen glaubt
weder durch die hand Mosi noch Arons / noch ir
gent eines der vnsern Propheten / Es bleibt auch
nichts vom Abgötterischen glauben / sind der zeit /
das sie dem gerechten haben geglaubt / Von welchen
Abacuc spricht im 3. Capit. Herr du bist ausgegangen
zum heil deines volcks / zum heil mit deinem gesal
beten.

Don erweckung der Heiden /
vnd tödtung der Juden.

Das Siebenzehend Capitel.

Ich besorge / lieber herr / das der herrliche vber
winder / Gott / die selbigen Heiden lebendig ma
che durch den glauben / vnd vns Juden tödte
inn vnserm Unglauben / wie er durch den mund des
Propheten Esaie am 65. Cap. spricht / Darumb das
ich euch geruffen habe / vnd ir hat nicht geantwortet
sagt der herre Gott / Sihe / meine knechte werden es
sen vnd ir werdet hunger leiden / Sihe / meine knechte
werden trincken / vnd ir werdet durst leiden / Sihe /
meine knechte sollen frölich sein / ir aber sollet zuschan
den werden / Sihe / meine knechte sollen für gutē mit
jauchtzen / ir aber sollet für hertzenleid schreien / vnd
für jamer heulen / Vnd D Israel der Herr wird dich
töden / vnd seine knechte mit einem andern namen ruf
fen / inn welchen er sie hat gebenedeiet / der da ist ge
benedeiet auff erden Amen. Vnd wir sehen / das die /
so den selbigen namen annemen / gebenedeiet sein von

S ij Gott

Gott auff erden / Vns aber / hat er zerstrewet durch
gefengnis an die vier teil der welt / Es sein auff heute
tausent jar. Man sihet auch offentlich an vns die war
zeichen des zorns Gottes / nicht zur straff / sondern zu
verderbnis / Vñ das ist die tödtunge / welche Gott ge
drawet hat / das er Israel tödten wolle / vnd die leben
digen Weiden / die er seine knechte nennet / werden ei
nen namen entpfahen den Gott verheissen hat / aber
doch nicht ehe / denn so vnser erster name sterbe / nach
ordnunge der wort Gottes durch Esaiam / Es ist
auch der hunger vnd durst so wir leiden / nicht brods
vnd wassers / sondern ein dürre der seelen vnd hertzen /
vnd ein hunger des wort Gottes / als die Propheten
erkleren durch den mund Amos am. 8. Capitel / wie
du / lieber herr / besser weist denn ich. Doch sein wir
Gottes inn allen dingen so vns begegnen.

Wie die Weiden / so durch den glau
ben lebendig gemacht sein / haben reine
breuche des newen gesetzts.

Das xviii. Capitel.

Es sind itzund tausent jar / das Ihesus zu Jer
usalem gestorben ist / Vnd ich fürchte / das die
Weiden so gerechtfertiget sein / dieweil sie
nichts guts hatten ehe denn sie glaubten inn Gott vnd
inn Christo / vnd inn die Apostel / vielleicht die vi
hisch vnd bestien waren / Von welchen der Prophet
Abacuk red / die keinen fürer haben / vnd die selbigen
Weiden durch den glauben gereinigt haben / ire fa
sten vnd andere breuche des Newen gesetzts / haben
auch alles was zu reinigung gehöret im Alten gesetz
der

der Juden begrieffen ist / Du siehest / das inn allen
sprachen / an allen örten / im Orient / im Occident /
völder sein / die vertrauen inn den namen des Herrn /
vnd glauben inn in / nicht durch Mosen / auch nicht
durch irgent einen Propheten / wiewol sie fleissig lesen
im gesetz vnd inn den büchern aller Propheten / son-
dern es hat sie Gott beruffen durch die Jünger dieses
gerechten / der von Gott Ausgangen ist / zu irem heil /
wie denn der gebenedeiete herrliche Gott / vor gesagt
hat durch den mund des Propheten Abacuk / Vñ die
selbige seine Jünger sein gewesen vnserer Kinder / von
den sönen Israel / die mit dem andern namen genen-
net werden Apostel. Ich fürcht seer / lieber herr / das
sie die sein / von den Gott gesprochen hat / durch den
mund Davids im .18. Psalm. Ir schal ist Ausgangen
inn die gantze welt / vnd ire wort an die eussersten ort
der erden / Vnd die wort des Propheten zeigen klar
an / das er von in vnd nicht von vns redet / da er
spricht / Es wird kein sprache noch zunge sein / die
nicht hören werden ire stimmen / welchs nicht gesein
mag von vnserer Ebreischer zungen / denn welche
Heiden folgen den geboten Mosi vnd Aaron : ja viel
mehr haben sie die Heiden getödt vnd verjaget / Die-
se Heiden aber wissen auff heutigen tag Mosen vnd
die Propheten / vnd erkennen Gott / vnd halten das
new gesetz wie sie es die Apostel geleret habe. Doch
wir sein Gottes.

Von erwelung der Aposteln /
an der Propheten stad.

Das Neunzehende Capitel.

f. iij . Ich be:

Ich besorge / lieber herr / das das / so der Pro-
phet Zacharias am 13. gesprochen hat (Ich
werde den hirtten schlagen / vnd die schaff der
herd / werden zerstrawet) sey erfüllet / da wir den hirt-
ten dieser kinder vnd heiligen Aposteln schlagen / als
denn sein wir schaff zerstreuet worden durch die gan-
tze welt / vnd die selbigen vnserere kinder / die Apostel /
sein an stad der Propheten auffgestanden / Welchs
daraus erscheinet / das vns Gott nach inē keinen Pro-
pheten zugesand hat / auch nichts durch gesicht eröff-
net. Ich fürchte / lieber herr / dz die kinder sein die Apo-
stel / von welchen Gott durch den mund des Prophe-
ten Iohelis am 2. Cap. gesprochen hat / Ewere alten
werden treume treumen / vnd ewere kinder werden ge-
sichte sehen / Gewislich / lieber herr / die alten sein vn-
sere Propheten / den getreumet hat vom glauben der
Weiden / welchen die kinder / die Apostel / erlanget
vnd gesehen haben / Vnd von den kindern hat der
Prophet David gesprochen im 33. Psalm / Kompt jr
kinder / höret mich / ich wil euch Gottes fürcht le-
ren / Vnd Gott nennet nicht kinder inn plurali / oder
vielfeltig / sondern nach gemeinem brauch der rede /
nennet er seinen erstgebornen son Israel / Vnd inn ei-
nem andern Psalm nennet er diese kinder söne / da er
spricht Psal. 127. Deine söne sein gleich wie die newge-
pflantzten beumlin von Israel / lieber herr / hat Gott
gesprochen durch den mund Esaie am 5. Cap. Das
haus Israel ist gewesen ein Weingarten Gottes / ich
wartet das er weinber trüge / so bracht es dörner / hie-
rumb wil ich herbringen / der in zerbrechen vnd zera-
tretten sol / Vnd von gemelten kindern Gottes / so ge-
nant werden Apostel / hat Gott geredt durch den
mund

mund Esa. Cap. 9. Jacob wird sich itzund nicht sche-
men / wird auch sein antlitz nicht erweichen / sondern
denn / wenn er sehen wird vor seinen sönen / die / so
meine hende erschaffen haben / vor seinen augen ge-
heiligt. Vnd lieber herr / wo diese kinder vor vnsern
augen geheiligt werden / nach brauch vnfers gesetzts
so wurde von vns nicht gesprochen das wir inn scha-
me derhalben weren / vnd vnser antlitz zerflößen / son-
der wir würden ehre haben / vnd vnser antlitz wür-
den glentzen / Aber die beschemung der antlitz Jacob
vnd verwüstunge ist die / das diese schöne / welche
Gott mit seiner hand erschaffen hat / die Apostel / für
vnsern augen geheiligt sein / vnd nicht nach vnsern
gesetze / Darumb gibt Gott zu verstehen / das vnser
gesetze nicht gesetzte seien.

Es hat auch Gott gesprochen durch den mund
Jeremie Capit. 31. Zur selbigen zeit wird man nicht
mehr sagen / Die Vetter haben ein bittere sawre wein-
trauben geessen / vnd die zeene der kinder sein stumpff
worden / Gleich als der Jüden vnglaube nicht gescha-
det hat / also wird er nicht schaden der Aposteln glau-
ben / Vnd darumb ist geschrieben / Als war ich lebe /
sagt der Herr / solch sprichwort wird nimer sein inn
Israel / den es ist nie kein Apostel widerumb zu vnse-
rem glauben keret / nach dem sie den glauben Christi
haben angenommen / Darumb entpfinden sie nicht die
bitterkeit vnfers vnglaubens / als vnser zeen stumpff
werden von vnserer Vetter sünden. Es hat Gott weiter
lieber herr / von diesen sönen / den Aposteln gesprochē
durch den mund des Propheten Esaie / Von wem
werd ich weg wandern / denn von meinem volck ?
Welchs aber werden die vnglaubigen kinder sein ?
Gott

Gott wird sein jr seligmacher inn aller irer angst / vnd
sein antlitz wird sie inn seiner liebe bewaren / vnd hat
sie erlöset inn der mildigkeit / vnd wird in gnedig sein
inn der lenge der tage.

Es ist gewis / lieber herr / das diese Kinder / da-
von wir reden / allwegen bestendig blieben sein / es ist
auch Gott von jnen nicht weg gewandert / von der
zeit an / da sie dieser gerechte König / jr meister / erlöset
hat. Aber von vns ist er gewandert / vnd ist bey in all-
zeit gewesen / Vnd von den sönen / den Aposteln / hat
der weise man / Ihesus / ein son Syrach / inn seinem
buch am. 3. Cap. gesprochen / höret mein allerliebsten
Kinder vnd wircket zum heil / denn Gott ehret den Va-
ter inn seinen sönen / Wie aber solche ehre verstanden
sol werden / erkläret Gott durch den mund Malachie
Cap. 4. Gott wird Deliam senden / das er die hertzen
vnserer Peter bekeret zu den Kindern / O herr / So Gott
die hertzen der Kinder / der Aposteln / hette sollen zu den
Petern keren / dieweil solchs vom glauben verstanden
sol werde / so weren die selben söne / die Aposteln / bey
vns inn dieser vnendlichen gefengnis gewesen / eben
wie vnser Peter vnd wir sein / Dieweil es aber Gott
also verordnet hat / das die hertzen der Peter sollen zu
den Kindern gewand werden / Wo nach harren vnd
warten wir denn lieber herr? So wir auch wollen
sprechen / das andere Kinder sein sollen denn die Apo-
steln / von den bemelte schrift verstanden solt werden /
so werden die selben inn der gefengnis sein / eben wie
wir / dieweil sie nicht gefolget haben dem wege dieses
gerechten / dem die Aposteln festiglich nachgefolget
sein vnd geleret haben nach zu folgen / Vnd darumb
haben sie der Peter ehre / inn dem das gesagt ist / Die
Peter sollen zu in bekeret werden. Die-

Dieweil nu vnser Kinder / lieber herr / ehe denn
wir zum glauben Gottes komen sein / wo vnser hertzen
zu den Kindern gewand werden / so werden auch
ire hertzen zu vns gewendet werden / Vnd wie der als
ler höchste Gott spricht / werden ein volck / ein gemis-
te / inn dem herrlichen vberwinder Gott / Denn wir
sollen diese bekerunge nicht anders vernemen / denn
vom Unglauben / zum glauben / vñ zur lere dieses ge-
rechten / der ein meister ist des Heils / deren / so inn in
glauben / Vnd wie David von im gesprochen hat /
Er ist / welches Priesterthumb sey nach ordnung
Melchisedech inn ewigkeit / inn welchen er brod vnd
wein geopffert hat / Vnd war Melchisedech ein Prie-
ster des aller höchsten Gottes vor Aaron. Vnd mer-
cke / lieber herr / wie grosse vnterscheid sey / zwischen
dem opffer Aaron vnd dieses gerechten Herrn / Es
hat der Herr zu meinem Herrn gesagt / du bist ein
Priester in ewigkeit / Psal. 109. nicht ein zeit lang / wie
Aaron / welcher starb da er. 120. jar alt was. Item
Aarons opffer was fleisch / vnd dieses gerechten
Herrn opffer / war brod vnd wein / nach ordnung
Melchisedech / Inn welchen Worten der Herr öffent-
lich anzeigt durch den Propheten / das Aarons opf-
fer ein ende würde nemen / wenn dieses opffer vnd ord-
nung anfahren würde in ewigkeit werende im Brod
vnd Wein. Aber dauon / lieber herr / hab ich noch
mehr zu reden / inn sonderheit wil ich etwas weniges
sagen von den Kindern Gottes / als viel mir zufellet /
Von in hat gesprochen Gott / durch den mund des
Propheten Ihesu des Sons Bethoni / Dsee Cap. 1.
Es wird ein ort sein / da man sprechen wird / ir seid
Kinder des lebendigen Gottes / Vnd dieser ort /
G lieber

lieber herr / ist on zweiffel die Kirch / denn der Pro-
phet nennet ein ort oder stad / Das er aber spricht /
es wird ein ort werden / schlenst er aus die Sinago-
gen / die vorhin der erste ort gewesen was / Vnd die Si-
nagogen nennet Gott durch den mund Mofi / Aaron
vnd aller Propheten seinen erstgetornen / Aber diese
gebome knechte nennet der Prophet Gottes kinder in
gemeine / vnd gleich iglichen auch inn sonderheit.

Von den selben kindern spricht auch Gott durch
den mund des Propheten Mofi Deutro. 32. Er wird
das blut der kinder rechen / vnd wird das Land seines
volcks wasschen / Vnd lieber herr / wir haben die Pro-
pheten getödtet / er aber hat nicht rachtung von inen
gethan / denn nur Siebentzig jar / Wir haben auch
die Aposteln vnd iren gerechten meister getödtet / vnd
Gott hat rachtung von den kindern gethan / nu lenger
denn Tausent jar / Vnd durch iren todt / hat Gott ge-
wasschen das Land seines volcks / vnd sprach nicht /
das Land der kinder Israel. Es hat auch von den sel-
bigen kindern geredt David im 135. Psalm / Die glau-
bigen trewe kinder sein eben wie die pfeil inn der hand
eines gewaltigen / Denn es vergleicht der Prophet
die glaubige kinder den pfeilen so ausgelassen sind aus
der hand eines gewaltigen / Denn der almechtig Got
hat sie gesand / an die zwelff teil der welt / durch die
vier ort der welt / mit der lere des gesetz / des Psalters /
vnd der Propheten / Mosen aber vnd Aaron / hat er
nicht ausserhalb des heiligen hauses gesand zu leren /
Denn er hat sie nicht gen Indien / gen Rome / oder
andere orte / ausserhalb des gelobten Landes gesand /
zu verkündigen die lere des gesetz vnd der Propheten /
Aber

Aber diese trewe Kinder also geschossen / oder ausgesand / durch die gantze welt / sein für Gott an vnser stad erstanden / nach dem der Gott Israel vnsern namen getödtet hat / Welchs wol anzeigt David im 44. Psalm / da er spricht / Es sein dir an stad der Väter Kinder geborn / die selbigen Kinder wirstu zu Königen vnd Fürsten machen / Vnd durch sie / ist das erste gesetz vernewet worden / nach der ordnung Melchisedech der Gottes opffer / im brod vnd wein eingesetz hat / dauon er hat mitgeteilt / dem Gottes freunde Abraham / als denn im gesetz ist angezeigt / bey welchen Gott / durch dieser Kinder dienst / geendert hat vnser opffer / wie er denn auch vnsern namen gewandelt hat / Vnd wie er das fleischlich gesetz inn ein geistlich gewandelt hat. Vnd so Gott vnserm Mosi gesagt hette / wie er dem Messie oder Christo durch den mund David gesagt hat / Du wirst sein ein Priester ewiglich / nach dem gesetz Mosi vnd Aaron Leniti. 26. So bestünde dasselbige gesetz / Aber er sprach du bist ein Priester inn ewigkeit nach ordnung Melchisedech / Vnd der freund Gottes Abraham / hat genomen vom opffer des brods vnd weins / vnd nicht vom opffer der thier oder fleischs / Dazu stimmt wol das wort Mosi / da er spricht / Ir werdet essen die aller elasten der alten / dardurch er vermeint das opffer Melchisedech / Spricht weiter / vnd wenn die newen zukomen / das ist / wenn geoffenbaret wird das opffer des newen gesetz / So werdet jr die alten / das sein ewre opffer / weg werffen / Doch wir sind Gottes / es gehe wie es gehe.

G ij Von vers

Don verwerffung des opffers der
Juden / vnd aufferwelung des Sacra-
ments der Christen.

Das xx. Capitel.

Ich fürchte / lieber herr / das Gott vns vnd
vnsere opffer von sich verworffen hat / vnd der
Heiden opffer angenommen / wie er gered hat
durch den mund Malachie Cap 1. Ich habe keinen
willen oder wolgefallen an euch / sagt der Herr / Ich
wil auch ewer opffer nicht annemen / Denn warumb
mein namen ist gros vnter den Heiden / vom auffgan-
ge der Sonnen / bis zu irem nidergange / sie opffern
ein rein opffer inn meinem namen / Darumb ist der
Heiden opffer bey Gott reiner denn vnser opffer / Vñ
dazu hat vns Gott alles reinen opffers beraubet / vnd
die Christen geleret / das sie vns sollen meiden / auff
das sie nicht besfleckt werden / gleich e. wir allzeit / die
weil vnser opffer des gesetzts rein vnd angenehm bey
Gott was / die Heiden vermeiden / Du weist auch /
mein lieber herr / was Gott sagt im. 49. Psalm / von
vnserem opffer / da er spricht durch den mund des Pro-
pheten David / Habt jr ihe gesehen das ich rind-
fleisch gessen habe / vnd bocksblut getruncken / Da-
durch offenbart Gott / das er verwerffe das fleisch-
opffer / Vnd woher haben wirs / lieber herr / das wir
inn den Heiden hassen das opffer brods vnd weins /
welchs Got hat eingesetzt / dadurch er auch verwirfft
das fleisch opffer? So doch Salomon des Arons
opffer beschreibet vnd spricht / Er reckete seine hende
vber den altar aus / vnd opfferte das blut der wein-
trauben

trauben / vnd den weirauch / dem lebendigen Gott /
vnd opfferte vnser opffer von den kornern der erden /
gleich wie Melchisedech thet für den Abraham.

Es bezeugt auch Gott durch den mund des
Propheten / Dsee Cap. 9. das wir opffer gethan ha-
ben von broden / als er spricht / Ir sollet mir nicht
brod opffern / Denn ewere brod sein der trawrigkeit /
vnd wer dauon isset / der wird verunreiniget / Da-
rumb haben wir etwa brod geopffert / aber es ist Got
kein opffer angenehmen von vnsern henden. Vnd von
vnserm fleischopffer / hat gesagt der Prophet Dsas
am 6. Cap. Gott wil lieber haben / liebe vnd gütigkeit
vnd barmhertzigkeit / denn fleisch opffer / Es erkleret
Gott der Weiden opffer durch Mosen Leuit. 23. Ir
werdet Gott ein opffer thun von den auffgehabnen /
vom brodspis / vnd vom ausspressen der Weintran-
ben / auff das Gott gebenedeie euch vnd alle wercke
ewrer hende.

Wir wissen auch / lieber herr / das Gott erstlich
gebot / für die Archen des Bunds / brod zulegen / vnd
nicht fleisch / Er sprach auch zu Mose Exodi am. 29.
Du solt böcke opffern vnd damit vngesewert brod /
Welche vngesewerte brod der Weiden opffer sein /
Auch lieber herr / dieweil Gott danon geboten hat
dem Aaron durch Mosen im buch Leuit. 21. Cap. vnd
gesagt / Ein mensch vom geschlechte Aaron der ein
mackel hat / sol nicht opffern ein brodepffer / noch
kein ander opffer / Schau lieber herr / wie das brod
opffer wird furgesetzt / Es sagt auch Gott durch
Mosen Leui. am. 23. Ir sollet Gott opffern von allen
ewern wonungen / zwey brod von dem erstlingen
ewers getreides / vnd neben den broden Sieben

G iij Stia /

Stier / Vnd zum ersten / lieber herr / setzt er die
brod vnd darnach das fleisch / An einem andern
ort wie du weist / lieber herr / list man / Wenn jr wer-
det einziehen ins Land ewrer wonunge / so euch Gott
zum erbe geben wird / so sollet jr brod opffern Gott zu
ein opffer / vnd ein gantz opffer / dazu einen Ochsen
mit dem aller reinisten melh vnd brod / Dierumb hat
Gott gebotten / das man opffern solle von brod vnd
aller reinisten melh / so wölle ers annemen / Vnd solch
opffer thuen auff heutigen tag die Weiden / Nemlich
brod vom aller klersten melh .

Es geschicht auch meldung vom brodopffern
im ersten buch der Könige am 21. Capit. Da David
kam zum obersten Priester Abimelech gen Silo / vnd
begerte brod von im / da antwortet er / Es ist kein
brod alhie denn nur geopffert brod / des sich nicht
zimpt deinen knechten zu essen / denn es ist heilig . So
viel sey gesagt vom brod opffer . Man möchte mehr
danon reden / wie du mein lieber herr weist / Es thuen
aber die Weiden wasser zu irem opffer / welchs vns
nicht vnbequeme düncken sol / denn wir des auch ein
exempel inn der schrift finden / nemlich das Gott
ein angenehmen opffer geschehen sey von wasser / Wir
finden auch in andern buch der Könige am 23. Ca.
das zween Knaben wasser schöpffeten aus der Cistern
so zu Bethlehem vor dem thore was / vnd der Pro-
phet David opfferte dasselbig Gotte zu einem opffer /
Derhalben ist nicht wider die schrift / so heute zu
tage die Weiden wasser zu thun / inn irem opffer / so
sie Gott thun . Wir lesen auch / wie gesagt ist / das Aa-
ron Gott ein opffer thet vom Brod vnd Wein / vnd
David von wasser / vnd die drey sein beysamen inn ei-
nem

nem reinen opffer / so viel als die natur duldet / vnd vn-
ser verstand erdencken mag / vnd nicht als das fleisch
der feisten Ochsen . Unser Delias / wie man list am
dritten buch der Könige am 18. Cap. gos wasser auff
das fleischopffer / vnd Gott sandte ferner vom himel /
vnd nam deste mehr an / das opffer mit wasser begos-
sen / Es speisete auch inn einer figur der Engel Delia-
am / mit geeschertem brod vnd Wasser / da Delias in
Krafft der selbigen speise vber natürlich vermügen
wanderte viertzig tag / bis zum berge Gottes / Solch
hübsch bequem opffer des weins / mit wasser vermis-
chet / beschreibt auch Salomon der Prophet im bu-
che der Sprüche Cap. 9. da er spricht / Die weisheit
hat einen tisch bereitet / vñ ire knechte ausgesand / vnd
gesagt / wer ein kind ist der kome zu mir / die vnweisen
sollen essen mein brod / vnd trincken meinen wein mit
wasser vermischet / Mein lieber herr / Was ist der
tisch / so die weisheit des aller höchsten bereitet hat /
anderst / denn der altar ? Was ist brod vnd wein ver-
mischet / denn nur ein opffer vom brode / wein vnd
wasser so auf dem altar geschicht ? Welche sein die vn-
weisen durch die knechte der weisheit beruffen den die
Weiden / so Gott nicht erkandte durch die Apostel be-
ruffen / Er spricht auch nemlich / sein brod vnd seinen
wein / denn dadurch wird angezeigt das solch opffer
Gott angemem sey / das er auch zu solchem hohen
geistlichen wolleben nicht gefodert hat vnser Väter /
die im gesetz weise waren / vnd im opffer des gesetztes
bemühet / Es sein auch itzund tausent jar verschienen
das er vns das fleischlich opffer nicht gelassen / son-
dern genommen hat / welchs vns geschehen ist / vmb
des gerechten willē / wider den wir gesündigt haben /
Doch si in wir Gottes etc. Das

Das Gott verworffen habe der Ju-
den Feiertage / Fasten / opffer etc. vnd
der Christen / erwelet.

Das xxj. Capitel.

Ich fürchte mich / lieber herr fur dem worte /
welchs der starcke ehrliche Gott gered hat durch
den mund des Propheten Malachie Cap. 1. da er
meldung thut / vom opffer der Heiden / also / Vom
auffgang der Sonnen bis zum nidergang / werden
die Heiden meinem namen ein rein opffer thun / Da-
rans ich mercke / das vnser opffer nicht angenehm sein
gewesen / denn nur an einer stad / als nemlich / im hei-
ligen hause / welcher stad vnd opffers vns Gott be-
raubet hat / nemlich des gelobten Landes / vnd hat
vns inn alle Lande zerstrawet / das sind nu tausent
jar / Darumb ist vber vns komen vnd erfüllet / das
Gott von vns gered hat / als er durch ein gleichnis
sprach / durch den mund Esaie Ca. 32. Es ist die wein-
lese geschehen / vñ man samlet hinforder nicht mehr /
Es ist auch erfüllet vnd vber vns komen / das Gott
durch den mund Malachie des Propheten am. 1. Ca.
gesprochen hat / Ich habe keinen willen zu euch /
vnd wil kein opffer von euch annemen / Es ist auch
komen vnd erfüllet / das Gott durch den mund Esaie
gered hat Cap. 1. Ewere Sabbath vnd Feiertage vnd
opffer / wil ich nicht annemen / denn jr seid all inn mei-
nem zorn / Es ist auch komen vnd erfüllet vber vns /
das inn dem selbigen Capitel Gott durch Esaian
sagt / Wazn habt jr viel schlacht opffer gethan / vnd
die andern opffer von den stieren vnd fleische der bö-
cke gevielfeltiget / Ich aber habe verachtet das selber
blint

blut / vnd das fleisch der stier vnd böcke / Wenn irs
für mir darlegen werdet / wer wirds von euch an-
men? Beslecket nicht meine heiligen steine / opfere
nicht mehr vergebens das opffer / denn ewer weirach
vnd ewere feier vnd fest / wil ich nicht von euch ha-
ben / denn meine seele hat die selbigen gehasset / So ir
ewere hende zu mir auffheben werdet / wil ich mein
angesichte von euch wenden / Vnd so ir ewer gebete
werdet manigfeltigen / wil ichs nicht erhören / denn
ewere hende sind voller bluts / vnd all ewer opffer / als
ein stinckendes ass / vnd wie ein ausgang des eussern
Sales / vnd wer mir einen ochsen würget / ist gleich
als der mir einen menschen köpffet / Vnd wer mir ei-
nen bock opffert / ist gleich als der mir einen hund
opffert / Vnd der mir wein opffert / ist gleich als der
mir schweinis blut opffert / wie Esaie am 65. Ca.

Aber solcher gewel der opffer / bedeut nichts
anders / denn verenderung vnser fleischlichen gro-
ben opffers / inn das geistliche subtile opffer dieses ge-
rechten / der auffgesetzt hat / zu opffern brod / an stad
des fleischs / vnd rein wasser / an stad der fettigkeit des
fleischs / vnd lantern wein / an stad des bluts / vnd der
mensch wird Gott geopffert geistlich vnd beheglich /
nicht als die thier / so wir schlachten / welche der Pro-
phet / einem faulen ass vergleicht / Doch sein wir
Gottes / vnd wollen zu im widerkeren / inn allem dem
das vns begegnet / Vnd lieber herr / darumb das wir
nicht glauben was vns Gott durch diesen Propheten
gesagt hat / der so klar von vnsern opffern schreibet /
hat Gott auch durch Jeremia am. 7. Cap. gered / Es-
set ewern nehesten zum opffer / vnd esset mit im das
fleisch ewerer o. pffer / denn von dem tage an / da ich
D ewere

erwere Vter aus Egypten fürete / hab ich in nichts
wares geboten vom opffer / Sondern habe gespro-
chen / Höret mein stimme / so wil ich ewer Gott sein /
vnd jr sollet mein volck sein / So jr werd wandl:n inn
allem so ich euch gebiete / wird euch wol sein / Vñ sie
haben nicht gehört / auch jr oren nicht gerecket zu
meinem Wort / Vnd du / lieber herr / bist / der das
weis. Doch sein wir Gottes inn allem das vns be-
gegnet.

Das zwey vnd zwentzigst Capitel
bewerret der Sinagogen verwerffung / vnd
der Kirchen eruelung / durch des
Herrn wort zu der Rebecca.

Ich besorge / lieber herr / das von der Sinago-
gen vnd Kirchen verstanden werde das wort
im Ersten buch des gesetzs am 25. Capitel ge-
schrieben / da Gott spricht zur Rebecca / des Isaacs
gemahel / Es sind zwey vöcker inn deinem leibe / vnd
zwey vöcker werden komen aus deinem leibe / vnd
ein volck wird das ander vberwinden / vnd das meiste
wird dem minsten dienen. Mein lieber herr / Allein Re-
becca ist gewesen ein mutter der Jüden vnd Heiden /
Das grösser vñ erstgeborn volck war die Sinagoga /
die grösser war inn ehren / vnd begabet mit der kunst
Gottes / Das nachgeborn kleine volck bey Gott / wa-
ren die Heiden / so jñ vnglauben vñ vnwissenheit Got-
tes lebten / So anderst Gott Israel getödtet hat / wie
Esaias beschreibet / vnd denn ist die gantze Sinago-
ge vmbgekeret / welche die grössere was / vnd dienet
den Heiden / so die minder gewesen ist / auff das erfül-
let würde das wort / so Gott zu Rebecca sprach / Ein
volck

volck wird das ander vberwinden. Es hat auch Gott von der kirchen geredt / durch den mund David im 45. Psalm / Es ist die Königin bey dir gestanden zu deiner rechten inn einem vergulden Kleid von vnderschiedlichen farben gezieret / Welches lieber herre gedeutet wird / das die Kirche der Weiden / so ein Königin genant wird / mit aller zungen vnderschied / die jr dienen / gezieret ist / gleichsam mit mancherley farben / Denn alle zungen inn der Kirchen stimmen vber ein / inn warer auslegung des Gesetzes / des Psalters / vnd des buches aller Propheten / Die Sinagoga aber hat nur ein zunge gehabt / vnd iren schmuck gleichsam einherley farben / nemlich Ebreisch.

Das drey vnd zwentzigst Capitel

beweret dasselbige / durch die wort des Propheten Malachie.

Ich fürchte auch / lieber herr / von obangezeigten Worten Malachie am 1. Cap. das Gott zu der Sinagogen geredt hat / da er spricht / Ich hab keinen gefallen inn eweren opffern / Denn vom auffgang der Sonnen bis zum nidergang / sol mein name herrlich werden vnter den Weiden / Zugleich aber als wasser / wein / vnd lauter melch / dauon dieses opffer geschicht / an sich selber von natur rein sein / vnd bedörffen keiner reinigung noch waschüng / Aber die Sinagoga bedarff zu waschen das fleisch irer opffer / zu reinigen die bauche der thier / so man opffert / vnd zu waschen die stad vom blute vnd feten der opffer / Sonst were es ein grewel damit vmb zugehen / Aber im opffer des brods / weins / vnd wassers / sibet man nichts vnbequem / auch nichts vnlustigs / So mans
D ij gleich

gleich lieblich empfahet / Ich halte lieber herr / Das
Gott von diesem opffer geredt hat durch Salomonem
nem / Prouer 17. Es ist besser ein bitten brod mit liebe /
denn ein gemest kalb mit feindschafft / Ein bitten der
liebe / mein lieber herr / ist die lautere sennftmütigkeit
vber sennftmütigkeit / vnd so einer dem andern die bes
leidigung nachlesset / Aber das gemeste kalb des haf
ses / ist ein aug vmb ein aug / vnd heimliche tödtung
der feinde / Hierumb / lieber herr / ist der Sinagogen
opffer / ein feist kalb mit feindschafft / Vnd der Kir
chen opffer / ein bitten brods mit liebe / dauon Gott ge
sagt hat / Es ist besser ein bitten brods etc.

Es beschreibet auch Gott durch Salomonem
die Kircken fein / Prouer. 6. vergleicht sie den Dir
schen / da er spricht / Die allerliebste Winde inn iren
jungen Wirschlin / Der brüste sollen dich allzeit trun
cken machen / vnd ire liebe sol dich ewiglich belüsti
gen / Denn die Sinagoga möchte wol etzlicher maf
sen ein Winde genant werden / Es ist vns aber nicht
möglich / dieses wort darauff zu deuten / angesehen
das sie nicht ein Windlin oder junges Wirschlin /
sondern der viel hat / ire Windlin sein gewesen Moses /
Aaron / Daniel / Esaias / Jeremias etc. vnd andere /
Auch die Kirch ist Gott ein geliebte Winden inn ei
nem einigen Windlin / so keinen gleichen hat im Adel /
vnd inn der gnaden / von der vnd dem geschrieben ist /
Ein Windin Gott am allerliebsten iren Windlin /
Darnach / lieber herr / setzt er dazu / vnd spricht / Ire
brüste sollen dich allzeit füllen / vnd belüstige dich stets
inn irer liebe / Dadurch bedeutet wird / das der Kirch
en opffer / ewiglich weren wird zu aller zeit / Es verglei
chet sie

Chet sie auch Gott einer mutter/die jr kind senget/ Vñ
inn dem/das er sprach/ Ich wil dich truncken mach-
en/bezeigt er geistlich/die materi des Sacraments/
den wein/ Vnd die brüste bedenten/das inn den an-
dern teilen des Sacraments sey lustige narung vnd
gnungsam Sacrament/welchs opffers die kirch itzund
braucht/vnd sich darmit belüftiget/ Es sein nu tau-
sent jar/von der zeit an/das Gott die Sinagogen des
opffers beraubete/ Das Dindlin aber darinnen die
kirch Gott so angenehm ist / ist der Herr Christus/
vnd ire brüste geben ewigen wein/danon ewige freu-
de kömpt/ Vnd er spricht nicht/das sie geben werde
fleisch/fettigkeit ober blut die ein erbeitsam opffer ma-
chen/nemlich der Sinagogen opffer/welches vns
Gott beraubet hat / nu lenger denn tausent jar /
Doch lieber herr/wir sein Gottes.

Es war aber die Sinagoga/ gleich wie ein weib/
die einen andern man hatte/ als nemlich Gott/den sie
verloren hat/ Vnd dazu das heilige haus/vñ die kir-
che/war ein Dindlin inn der wüsten one Man/ aber
Gott erstattet eins Mans stad/ Darumb er/der star-
cke herrliche/spricht durch Esaiam Cap. 54. Die ab-
gesonderten meidlin sind besser denn die einen man ha-
ben. Item der selbig Prophet am. 62. Cap. Ich/sagt
der Herr Gott/wil meinem auserwelten Volcke ei-
nen weingarten machen/vnd flüsse /zu trincken/vnd
du Jacob nicht gehorsam / vnd du Israel nicht hö-
rend als denn/ Wir lieber herr/sein ansserhalb des ge-
horsams /vnd haben weder augen noch oren/ Der
halben auch diese vnser gefengnus komen ist bis auff
tausent jar. Ich fürchte/lieber herr/vnser gesetzte/
welchs furhanden hat den grimmigen zorn /
D iij vnd

vnd spricht ein ange vmb ein ange etc. Aber diese Win-
din hat jr Windlin zu freund / vnd spricht im heiligen
Euangelio Matthej / Wo dich einer auff ein backen
schlecht / so halt im den andern hinzu / Es redt Da-
uid im. 30. Psalm. O Herr / wie gar gros vnd viel ist
deine süßigkeit / die du verborgen hast / den die dich
fürchten / vnd erfüllet die / so inn dich hoffen / Vnd
lieber herr / Es ist klar / das der Sinagogen volck
fürchtete die prin des gesetzes / als ein ange vmb ein
ange / denn man straffete bald / Aber der Kirchen
volck hoffet / vnd ist inn der süßigkeit Gottes / wenn
man sie inns antzlicht schlecht / so schlagen sie nicht
wider / Derhalben hat in Gott / eine grosse menge
seiner süßigkeit bereitet / die er für den Jüden verbor-
gen hat / Doch sein wir Gottes etc.

Das der Christen gesang / Gott
angenehm sey.

Das xxiiij. Capitel.

Ich besorge / lieber herr / das Gott von vns red
durch den mund des Propheten Esaie Cap. 29
da er spricht / Es werden die Propheten vnter
vns sein / eben wie die wort eines versigelten buchs /
welchs nicht offenet der Leser / auch nicht / der nicht
lesen kan / Von obgemelten Kindern aber / die Gott /
wie angezeigt / so offte beschreibt / vnd viel mals von
inen redet im selbigen Capitel / da er spricht / Sie wer-
den offenbaren den heiligen Jacobs / vnd verkündi-
gen den Gott Israel / vñ die vnwissende werden kunst
entpfaben / vnd die Singer werden das gesetzte wif-
sen. Wir sehen öffentlich / lieber herr / das nu bey tau-
sent jaren

sent jaren die vnwissenden Singer / können vnd le-
ren vnser gesetz / Wer sein aber die vnwissenden an-
ders denn die Heiden / vnd wer sein die Singer so vn-
sern Psalter vnd die Propheten inn der Kirchen sin-
gen denn die Christen? Von den Singern spricht
Gott durch den mund David. 97. Psalm. Singet
Gott einen neuen gesang / denn er hat wunderwerck
gethan / Vnd lieber herr / was ist der newe gesang an-
ders / denn das Newe Testament / vnd der alte gesang
das alte testament? Von den Singern spricht auch
Gott durch den Propheten David Psalm. 95. Sin-
get Gott alle welt / sprechet lob seinem namen / Vnd
im selbigen Psalm / Alle geschlecht der Heiden wer-
den dir singen / vnd deinem namen lobsingen / Er sprit
cht nemlich / alle geschlecht der Heiden / vnd nicht
Israel inn sonderheit. Von den Singern redt auch
Gott / durch den mund David am. 88. Psalm. Selig
ist das volck das den gesang kan / sie werden wan-
dern im liecht deines anlitzs / Von den ist auch ge-
schrieben / Psalm. 88. Es werden dir die Heiden im
hause meines Gottes einen gesang singen. Es sind
tausent jar / das wir Jüden nicht haben gesungen im
heiligen hause Gottes.

Von den Singern spricht David / Sie werden
einen gesang singen im hause des Herrn inn ewig-
keit / Von vns sagt er im. 136. Psalm. Wie mügen sie
den gesang des Herrn inn einem frembden lande sin-
gen / Vnd wie ist's möglich / mein lieber herr / das wir
verhoffen das Land vnd den namen zu haben? So
doch Gott durch den Propheten Amos cap. 5. spricht
Israel ist gefallen / vnd wird nicht widerumb auffste-
hen / die jungkfrauw Israel / ist nidergeschlagen / vnd
wird

wird nicht widerumb auffgehoben / Der selbig Propheet sagt auch im. 9. Ca. Es wird komen ein trübsal / vnd wer aus im entpflohen ist wird nicht errettet werden / vnd ob sie sich auff den berg Carmeli verbergen / wird sie mein hand von dannen herab stürtzen / ob sie auch inn die tieffe des Meeres hinab steigen würden / so wil ich schlangen dahin senden / die sie beissen sollen / vnd so sie in gefengnis für iren feinden hinweg gehen / da selbst wil ich dem Schwerd befehlen / vnd es sol sie tödten / vnd ich wil meine augen auff sie legen zum bösen vnd nicht zum guten / Gott hat vns solchs gethan / Vnd sind itzund tausent jar verschienen / da wir die Psalmen vnd geseng sungen / Doch sein wir Gottes etc.

Das die Jüden vnbequemlich schelten der Christen Gesenge..

Das xxv. Capitel.

Dein lieber herr / Gott hat von vns gesagt / Ich wil mein ange auff sie legen / zum bösen vnd nicht zum guten / wie wir dauon öffentlich sehen / nu tausent jar / Gott aber hat von diesen Sängern durch den mund Dauid gesprochen Psalm. 46. Alle Weiden klitzschet mit den henden / vnd singet Gott inn der stimme des lobes / Vnd anders wo spricht er / Jubiliret Gott / alle welt dienet dem Herrn mit freuden / tret hinein für sein angesichte etc. Vnd Psalm. 65. Singet Gott alle welt / vnd verkündiget von tag zu tag sein heil. Ich fürchte / lieber herr / dieweil Gott gesagt hat durch den mund Jeremie am 9. Cap. Leret ewre söne vnd töchter weinen vnd klagen / denn

gen / denn der tod ist durch ewre thor ausgegangen /
Dieweil nu Gott / von solchen Singern / durch den
mund David sagt Psal. 148. Ir König der erden vnd alle
vöcker / Fürsten vnd alle Richter der erden / Knaben vnd
Juncfrawen / jung vnd alt / sollen den namen des Herrn
loben / Vnd am 48. Psalm / Er wird mich ehren im opffer
des gesangs / Als wolt er öffentlich sprechen / nicht im
opffer des fleischs / der böcke / wie vnser opffer war / Wir
können auch nicht laugnen / die wort vnser warhafftis
gen Schöpfers / so er durch den mund des Propheten
Esaie am 30. Cap. gered hat / die Singer so die schrift le
ren / vnd den ganzen Psalter David / der also nach der sin
ger kunst / durch scharffen vnd dunckeln laut / verzeich
net ist.

So wir diese ding alle betrachten / beduncket mich /
wir tren inn dem / das wir sie verdammen im opffer ires
lobes / das sie Gott inn der Kirchen mit singen ehren /
Sonderlich dieweil wir im geseze dauon finden / gebot
vnd exempel / Davids / der auch spricht Psal. 150. Lobet in
mit harffen vnd orgeln / lobet inn mit Cymbaln inn grose
sem lobe / vnd ein jeder geist soll loben den Herrn / Das
schreibt er im 150. Psal.

Man list auch ein exempel im andern büch der Kö
nige Cap. 6. Wie David barheuptig sprang vnd sang auff
der harffen fur der Archa des Herrn / da in auch sein freue
le hausfraw Michol darüb schalt / antwort er / O du thö
rin / Gott wird ansehen mich verachten spilman / Die Kin
der Israel aber bliesen die bysaune / da man die Archen
heimfürete / Aber lieber herr ich bit dich / Wer sein wir / die
wir verspotten die fest dieser Singer / denn die tolle
Michol: Vnd wer sein die Singer / denn die springenden
Christen / so sich freuen inn der demut wie David: Sone
derlich / weil Gott spricht Psalm. 150. Ein jeder geist soll
Gott loben / So er gesprochen hette ein jeder Israelita /
I so möchs

so möchten wir der andern wol spotten/ Vñ also spricht
der herrliche starcke Got durch den mund des Prophetē
Esaie am 40. Cap. das die Heiden fur seinem angesichte/
gleichsam nichts sein/ Aber das ist zuuerstehen von den
Heiden/ so gewest sein/ ehe denn sie hetten erkentnus
Gottes durch die zukunfft dieses gerechten. Denn da
waren sie vnglaubige Abgötterer/ Hierumb kan dieses
nicht wol verstanden werden/ denn nur von den Heiden
so Gott den Herrn funden/ vñ im ein rein opffer alle tage
opffern im Orient vnd Occident/ als er durch den mund
des Propheten Malachie/ wie oben anzeigt/ spricht/ Vñ
vor war lieber herr/ Wir irrē/ Doch sein wir Gottes etc.

Das XXVI. Cap. Beweret/ das die Jüden von Gott abtrünnig sein.

Ich fürchte/ lieber herr/ das wir von Gott abtrün-
nig worden sein/ inn der ersten zukunfft dieses ge-
rechten/ von den wir obgemelte sprüche haben an-
gezeigt/ welchen auch klerlich zu stimmen alle ding
so bey vns inn den Büchern des gesetzs vnd der Prophe-
ten geschrieben sein/ Von welcher abtrünnigkeit vns Got
so lange zeit/ diese gefengnus hat auffgelegt/ Vnd ob wir
gleich eins andern seligmachers/ denn dieses gerechten/
warten/ hilffts vns doch nichts/ Sondern es ist vns ein
gewis anzeigung/ die gefengnus so inn Babilonten was
Siebentzig jar/ erstlich der zeit halben/ Denn der Prophet
Daniel/ der ein freund Gottes was/ war mit vns gefan-
gen/ vnd durch in tröstet vns Gott der nahen erlösung/
Es waren auch nicht alle geschlecht inn der gefengnus/
Aber diese gefengnus itzund/ ist komen volkomenlich auff
tausent jar/ Ist auch Daniel nicht bey vns/ Vnd alle ges-
schlechter/ keins ausgeschlossen/ sind inn der zerstreung
entpfrembdet vom heiligen hause/ Daraus ist ein gewis
zeichen/ das fur ein gemeine sünde/ die inn vns allen ist/
solchs

solchs geschehe/ Vnd dieweil die sünde vber vns bleibet/
so verharret auch Gottes zorn vber vnser volck/ one hof
nungge/ Vnd dennoch warten wir auff einen andern/ aber
das warten ist vns nicht nütze/ Vnd so wir wöllen spre
chen/ das diese gefengnus nicht gemeine sey/ vnd das wir
irgent an einem ortte der welt/ einen König oder Fürsten
hetten/ Können wir bald nach vnserm gesetz/ vberwunden
vnd lügen gestraffet werden/ Denn wo wir Jüden an ir
gend einē ortte der welt/ einen Fürsten oder König hetten/
so were das nur von einem geschlecht/ nemlich Juda/
das Aber Gott hat ein vrtail gegeben wider Judam/
nicht ewiglich aus Juda ein König sein sol/ Darumb
sprach der Prophet Hieremias am 17. Cap. Die sünd Jus
de ist mit einem eisern griffel auff einen Adamant stein ge
schrieben/ das ist/ auff ire hertzen/ Wie meinen wir das
solche schrift ausgetilget künne werden/ so mit einem ei
sern griffel auff einen Ada mant stein geschrieben ist/ Es
wird inn ewigkeit nicht ausgeleschet/ Sonderlich weil der
starcke herrliche Gott durch den mund/ des Propheten
Esaiē gesagt hat Cap. 3. Der herr Zebaoth wird von Jes
rusalem vnd von Juda weg nemen den Richter/ Prophe
ten/ vnd Fürsten/ Von vns sager auch der Prophet/ ein
son Boceri Cap. 15. seines buchs/ Es werden die kinder
Israel sein/ one Fürsten one Gesetz.

Wir wissen auch/ lieber herr/ das von anbegin der
welt gewest sein etliche/ gros vnd heilig fur Gotte/ waren
auch von ersten eins langen lebens/ als Matusalem vnd
Enoch vnd andere mehr/ Es hat aber Gott ir keinen v
ber tausent jar erhalten/ Vnd wir haben vnter vns er
dichtet/ das Messias oder Christus/ so vns verheissen ist/
geboren sey inn Babilonia/ zur zeit vnserer gefengnus die
Siebentzig jar weret/ Aber diese vnserer zeit/ helt im alter
1005. jar/ welchs fabel vnd nicht Propheceien sind/ wel
che wir mit keinem grund erhalten mügen oder beschir

J ü men

men können/ Dennoch reden vnd leren wirs inn vnsern
Sinagogen/da kein frembder bey vns ist/ Höre aber die
offentliche lere der Christen auff den 86. Psal. gegründet
Man wird zu Sion sprechen/ Ein mensch ist inn jr gebor-
ren /vnd der es ist/hat sie erbawet oder gegründet/ Inn
diesen worten nennet er Mariam mit namen einer stad/
vnd spricht/es sey ein mensch inn jr geboren/setzt nicht da-
zu dieses oder ihenes Israeliten/auff das man vermercke
wie der Son Marie/nicht sey gewesen inn irgend eines
menschen lenden/ Vnd im andern buch der Könige am 7.
Cap.erkleret ers öffentlich/ da Gott zu David spricht/
Wenn du deine tage wirst erfüllet haben/vnd mit deinen
Vetern entschlaffen/so wil ich dein geschlecht/ das aus
deinem leib kompt/nach dir erwecken/ vnd ich wil sein
Vater sein/vnd er sol mein Son sein/Es ist aber nie mög-
lich gewesen/lieber herr/das jmand gienge aus dem leibe
seines Vaters/sondern/er setzt es ausgedruckt / anzuzei-
gen/das Christus nicht würde empfangen werden inn ei-
nem Weibe von mans samē/wie andre menschen/ so von
David vnd von andern komen/ Es spricht auch Gott
durch David im 109. Psalm/ Ich habe dich aus dem Uter
oder leibe geboren/vor dem Lucifer/als wolte der starcke
herrliche Gott vō seinem Christo sprechen/das er in von
seinem willen/welcher der heilig geist ist/ geboren hat/vnd
nicht vom samen/wenn er spricht/ aus dem Uter/ Denn
Christus ist aus dem Uter geboren one manlichen samen/
vber gemeinen lauff/vnd gewonlichen brauch der natur
Vnd dieses ist die warhafftige lere der Christen/ die inn
vnserē Köpffe nicht eingehet/Darumb vns auch begegnet
das vns begegnet/Es beschreibet auch der Prophet Da-
uid/wie Christus auff solche weise geboren soll werden/da
er im 131. Psalm spricht/Gott hat geschworen David die
warheit/ Ich wil von der frucht deines leibes setzen auff
deinen stul/ Doch sein wir Gottes etc.

Das:

Das XXVII. Capitel zeigt an zu

einem beschlus/ etliche sprüche der Saracener
von Ihesu vnd seiner Mutter Maria.

Vrwar/ lieber herr/ wiewol vns die Christē nicht entgegen halten die sprüche der Saracener/ sonderlich so im Alcoran vnd seinen auslegungen werden gesetzt/ denn sie wissen das wirs nicht annehmen/ gleich wie sie auch nicht annemen/ Doch zu vnser Vernehmung/ vnd sterckung der gleubigen/ wo man vns entgegen hielte/ was die Saracenen sagen von Ihesu/ vnd seiner seligen muter Maria/ wil ich etliche anzeigen/ Denn alle Saracenen sprechen/ das er der Messias sey gewesen/ den sie zukünfftig geweissagt haben/ setzen in auch fur/ dem Machomet/ irem Gotte/ der geburt halben/ Denn sie bekennen/ das Machomet/ eltern/ böß vnd Abgötterisch gewesen sein/ vom geschlechte Agar der magd/ vnd sprechen/ das Messias ein son Isaac/ vnd der Propheten/ vñ gerechten sey gewesen/ nach rechter stracker linea/ bis auff die selige juncffrawen Mariā seine muter. Von Marien wird im Alcoran/ vom geschlechte Adamar/ also gesprochen/ Der Engel Gabriel sagte zu Marien/ O Maria/ Gott hat dich erwelt vnd gnade gelert/ vnd vor erwelt vber alle weiber aller zeiten/ vnd hat dich gleich wie ein new mittel gesetzt/ zwischen den jrdischen menschen vnd Engeln Gottes/ im paradys der wollust. Es sprechen auch alle Saraceni/ das Christus oder Messias/ habe gewalt gehabt von Gott/ Mirakel zuthun/ alle seuchen vñ Franckheiten zu heilen/ vnd die teuffel aus zutreiben/ die todten aufferwecken/ vnd die heimlichkeit der hertzen zu erkennen. Sie glenben auch/ das Ihesus alle mirackel gethan hab/ so die Euangelisten von im schreiben/ Vnd solches zeigt klar an der Alcoranus im bemeltem Cap. Do mar/ da er spricht/ das Messias gewust habe alle ding/

J iij auch die:

auch die heinligkeit der hertzen/ Darumb sein die wort
des Machometis Eise/ das ist/ Ihesus wuste alle schrifte
alle weisheit / vnd das ganze gesetz Mosi / vnd was sie al
le assen vnd truncken im iren heusern / vnd was sie im ire
scherze legten / Sie sprechen auch von Messia oder Chris
sto / das / dieweil er im dieser welt war / die reichtümer ver
achtet / vñ verwarff fleischliche wollüst / er hat auch kein
beischlefferin gehabt / welche ursach sein zu sünden vnd
vngheorsam . Item es wird im Alcoran gelesen / dieses
wort des Euangelij / Füchse haben löcher / vnd die vögel
der lufft nester / Vnd alle diese sprüche / wiewol sie sein der
so vns widersprechen / Doch vergleichen sie sich den sprü
chen der Propheten / so sie von Messia geredt haben / im
seiner ersten zukunfft / wie scheint im obgemelten .

Sie sagen auch im Alcoran / das Eise / das ist / Ihesus
Christus / ist Gottes wort / vnd alles wort Gottes / ist Je
sus Christus / bey den Saracenen / gleich wie ein eigen
namen / also das kein ander mensch / mit diesem namen ge
nand werde / denn nur Ihesus / den sie Eisen nennen / Also
sprach Gott zu Eise / Ich bin deine vergnügung / Ich wil
dich erheben bis zu mir / vnd wil dich reinigen von den vn
glaubigen .

Hierumb / lieber herr / betrachte wie das volck der Jü
den / izund Tausent jar die gefengnis leidet / vnd sein ir
gar wenig / gegen den andern Nationen zu gleichen / Den
der Saracē sind viel / vñ wachsen teglich / Der glaub Chri
sti aber hat die ganz welt erfüllet / Wir aber sind allent
halben zerstreuet vnserm Gott / vnd sein vberall die we
nigsten / gleich wie zum Ruben gesagt ist / Du wirst nicht
wachsen etc. Wir aber wachsen nicht / vnd die wachsen /
den wir vber alle andere völker gram sein / vnd doch
nichts schaffen . Es stehet vieler gezeugnis wider vns /
nemlich der Christen vnd Saracener / ir Alcoran vnd das
Euangelion Christi / den wir nicht gehorsam wollen sein
Doch

Doch' meins verstands gilt der Alcoranus nichts/ dieweil
er öffentlich inen helt/ wider vnser lere/ als du selber weist
Es ist auch gewis am tag/ das sein ausleger nicht gewust
haben das gezeugnus.

Was wollen wir aber sagen von der Christen Euan
gelio/ zu vorgesagt/ das Christus oder Messias schon ko
men sey/ Denn es je nicht helt wider die Propheten/ vnd
vnser geseze/ Sondern es ist ein eröffnung aller Prophe
ten/ vnd ein erfüllung der Verheissungen/ so im gesez ver
fasset sein/ wo mans geistlich verstehet/ wie denn der Chri
sten lere innhelt/ Nichts deste weniger/ lieber herr/ hab
ich in diesen fragen zuflucht zu dir/ vnd sonderlich in de
ersten/ die ich aus den Propheten hab genomen/ Denn
vom gezeugnus des Alcorani/ weis ich/ das du es gleich
fur nichts wirst achten/ allermeist du/ der du Arabisch
kannst/ Denn du weist wol/ das der Mahomet/ der sich ei
nen Propheten nennet/ nichts zukunfftiges geweissaget
hat/ vnd der sich einen Botten Gottes nennet/ vnd hat
weder Gott noch seine schriftte geleret/ Gleich als ein
böser vnuerstendiger mensch.

Endet die Epistel Rabbi Samuelis
die er zum Rabbi Isaac / Meistern der
Sinagogen/ geschrieben hat.

Bedruckt zu Wittenberg
durch Georgen
Rhaw.

Faint, illegible text at the top of the page, possibly bleed-through from the reverse side.

Second line of faint, illegible text.

Third line of faint, illegible text.

Fourth line of faint, illegible text.

Fifth line of faint, illegible text.

Sixth line of faint, illegible text.

Seventh line of faint, illegible text.

Eighth line of faint, illegible text.

AB: 153359

ULB Halle


3

003 029 247




Sb.
außer 15 a nicht in
Buch enthalten

VD 17



PK
1812





17.

10

Das Ihesus Na-
zarenus der ware
Messias sey.

Ein Sendbrieff/

Rabbi Samuelis

von Israel.

Derhalben die Jüden auff
keinen andern war-
ten dürffen.

Wittenberg. 1536.

*verdrückt durch
Wencesl. Linck*

